



ԳԱԳԻԿ ՀԱՐՈՒԹՅՈՒՆՅԱՆ
ԱՐԱՄ ՆԱԶԱՐՅԱՆ

ՀԱՄԱՇԽԱՐՀԱՅԻՆ
ՊԱՏՄՈՒԹՅՈՒՆ

ՄԻՋԻՆ ԴԱՐԵՐ

7

ՄԱՍ 1



ԳԱԳԻԿ ՀԱՐՈՒԹՅՈՒՆՅԱՆ, ԱՐԱՄ ՆԱԶԱՐՅԱՆ

ՀԱՄԱՇԽԱՐՀԱՅԻՆ ՊԱՏՄՈՒԹՅՈՒՆ

ՄԻՋԻՆ ԴԱՐԵՐ

7-րդ
ԴԱՍԱՐԱՆ



*Դասագիրք հանրակրթական
հիմնական դպրոցի համար*

Մաս 1

Վերահրատարակություն



ԶԱՆԳԱԿ
ՀՐԱՏԱՐԱԿՉՈՒԹՅՈՒՆ

ԵՐԵՎԱՆ • 2019

Երաշխավորված է ՀՀ կրթության և գիտության նախարարության կողմից

ՀՏԳ՝ 373.5:93/94(075.3)
ԳՄԴ՝ 63.3g72
Հ 422

Խմբագիրներ՝	ԱՐԱՄ ՔՈՍՅԱՆ <i>Պատմագիտության դոկտոր, պրոֆեսոր</i>
	ԱՐԱՄ ՆԱԶԱՐՅԱՆ <i>Պատմագիտության թեկնածու</i>
Հեղինակներ՝	ԳՆԳԻԿ ՀԱՐՈՒԹՅՈՒՆՅԱՆ <i>Պատմագիտության թեկնածու, դոցենտ</i> (§§1-7, 9-13)
	ԱՐԱՄ ՆԱԶԱՐՅԱՆ <i>Պատմագիտության թեկնածու</i> (Ներածություն, §§8-9, I-II բաժինների ամփոփումներ)
Մեթոդական մասի հեղինակ՝	ԱՐՄԻՆԵ ՍԱՐԳՍՅԱՆ <i>Պատմաբան, մանկավարժ</i> (մեթոդական ապարատ, ժամանակագրություն, բառարան)

Հարությունյան Գ.
Հ 422 **ՀԱՄԱՇԻՍՐՀԱՅԻՆ ՊԱՏՄՈՒԹՅՈՒՆ: ՄԻՋԻՆ ԴԱՐԵՐ:** Դասագիրք հանրակրթական հիմնական դպրոցի 7-րդ դասարանի համար / Գ. Հարությունյան, Ա. Նազարյան. — Եր.: «Զանգակ» հրատ., 2019.
Մաս 1. — 80 էջ:

ISBN 978-9939-68-711-7

ՀՏԳ՝ 373.5:93/94(075.3)
ԳՄԴ՝ 63.3g72

© «Զանգակ-97» ՍՊԸ, 2019
© Գ. Հարությունյան, 2019
© Ա. Նազարյան, 2019
© ԴՏՀՏՀՀ, 2019

Հեղինակային բոլոր իրավունքները պաշտպանված են:

ՆԵՐԱԾՈՒԹՅՈՒՆ

Միբելի սովորողներ, այս տարի դուք շարունակելու եք ուսումնասիրել համաշխարհային պատմությունը: 7-րդ դասարանի դասագիրքը ձեզ կծանոթացնի պատմության *միջին դարեր (միջնադար)* անունը կրող շրջանին:

Միջնադարը հաջորդում է հին աշխարհի պատմությանը: Այն ընդգրկում է *V դարի վերջերից մինչև XVII դարի սկզբներն ընկած ժամանակահատվածը*:

Միջին դարերի պատմությունը ընդունված է բաժանել *երեք գլխավոր փուլերի՝ վաղ, զարգացած և ուշ միջնադար*:

Վաղ միջնադար: Սովորաբար Եվրոպայի պատմության միջնադարի սկիզբ է համարվում Արևմտյան հռոմեական կայսրության կործանումը (476 թ.): Եվրոպայի տարածքում միմյանց հարևանությամբ ապրում էին զարգացած, պետականություն ունեցող ժողովուրդներ և դեռևս տոհմատիրական փուլում գտնվող ցեղեր: Այդ պատճառով Եվրոպայի ժողովուրդների մոտ այդ անցումը տեղի է ունեցել ոչ միաժամանակ:

Արևելքի երկրներում անցումը հին հասարակությունից միջնադարին տեղի է ունեցել դրանից առաջ կամ հետո: Հայաստանի պատմության միջնադարյան շրջանը սկսվում է IV դարի սկզբից (դրա մասին կհիմանաք Հայոց պատմությունից):

Զարգացած միջնադար: Այս փուլում զարգացան գյուղատնտեսությունը, արհեստները և առևտուրը: Արհեստների և առևտրի վերելքը նպաստեց քաղաքների աճին: Մեծաքանակ դարձան կամ ստեղծվեցին բազմաթիվ հայտնի քաղաքներ՝ Կոստանդնուպոլիս, Փարիզ, Լոնդոն, Վիեննա, Մոսկվա և այլն:

Ձևավորվեցին ավատատիրական հասարակության *երեք գլխավոր դասերը՝ ավադատերեր, գյուղացիներ և հոգևորականներ*: Քաղաքների աճի արդյունքում ձևավորվեց նաև *քաղաքացիների դասը*:

Ուշ միջնադար: XIV դարի երկրորդ կեսը և XV դարը Եվրոպայի համար ճգնաժամային էր: Սկսվեց Հարյուրամյա պատերազմը, որը Եվրոպային մեծ ավերածություններ պատճառեց: Տեղի ունեցան գյու-

ղացիական հզոր ապստամբություններ Ֆրանսիայում և Անգլիայում: XV դ. կեսին օսմանյան թուրքերի հարվածների տակ կործանվեց Բյուզանդական կայսրությունը:

Անկում ապրող միջնադարյան հասարակության ներսում, սակայն, աստիճանաբար *ծնունդ էին առնում նոր՝ արդյունաբերական հասարակության* սաղմերը:

Միջնադարի ընդհանուր նկարագիրը: Միջնադարյան հասարակությունը անվանում են նաև *ավարապիրական հասարակություն*: Դա կապված է տնտեսության մեջ *գերիշխող դարձած մասնավոր հողատիրության՝ ավարապիրության*, անվան հետ: Ավատատիրությունը մի որոշ ժամանակ ապահովեց հասարակության առաջընթաց զարգացում:

Եվրոպայի մեծ մասը միջնադար էր մուտք գործել հետամնաց վիճակում, իսկ միջնադարի վերջում վերելք էր ապրում: Արևելքի և Ամերիկայի երկրների զգալի մասը միջնադար էր մուտք գործել զարգացման բարձր մակարդակով, սակայն միջնադարի ավարտին նրանք զգալիորեն զիջում էին Եվրոպայի առաջատար երկրներին:

Միջնադարում են կազմավորվել և զարգացում ապրել ներկայիս հայտնի շատ պետություններ՝ Անգլիա, Ֆրանսիա, Ճապոնիա, Ռուսաստան, Նիդերլանդներ և այլն:

Դասագրքում Եվրոպայի երկրների պատմությունը ներկայացված է հետևյալ բաժիններով՝ «Վաղ միջնադար», «Զարգացած միջնադար», «Միջնադարի մայրամուտը», «Նոր Եվրոպայի ծնունդը»: Առանձին բաժնով ներկայացվել է Արևելքի երկրների պատմության ամբողջ միջնադարյան շրջանը: Դասագրքի Մաս 1-ում ներկայացված են առաջին երկու բաժինները, իսկ Մաս 2-ում՝ III-V բաժինները:

Հարցեր և առաջադրանքներ

1. Համաշխարհային պատմության դր ժամանակաշրջանն է ընդգրկում միջնադարը:
2. Քանի՞ փուլի է բաժանվում միջին դարերի պատմությունը: Փորձե՞ք ներկայացնել այդ փուլերի բնորոշ կողմերը:
3. Ո՞ր իրադարձությունն է համարվում Եվրոպայի միջնադարի պատմության սկիզբը: Իսկ Հայաստանինը:
4. Այլ կերպ ի՞նչ են անվանում միջնադարյան հասարակությունը: Ինչի՞ հետ է այն կապված:

§1. ԴԱՅՔԱՐ ԱՐԵՎՄՏՅԱՆ ՀՌՈՄԵԱԿԱՆ ԿԱՅՍՐՈՒԹՅԱՆ ԺԱՌԱՆԳՈՒԹՅԱՆ ՀԱՄԱՐ

ԺՈՂՈՎՈՒՐԳՆԵՐԻ ՄԵԾ ԳԱՂԹԸ

Համաշխարհային պատմության մեջ *IV–VII դարերն անվանում են ժողովուրդների մեծ գաղթի դարաշրջան*: Մինչև մեծ գաղթը Եվրոպայում կար մեկ պետություն՝ Հռոմեական կայսրությունը:

Հռոմեական կայսրության սահմաններձ շրջաններում բնակվող ցեղերը ապրում էին տոհմատիրական հասարակության պայմաններում: Աճող բնակչության պահանջները բավարարելու համար նրանք *անընդհատ տեղաշարժվում էին և նոր տարածքներ յուրացնում*: Շարունակական տեղաշարժերի վրա ազդեց նաև կլիմայի ցրտելը, որը սկսվել էր դեռ II դարից: Մարդիկ ստիպված էին փնտրել բնակության ավելի տաք և հարմար վայրեր:

Մեծ գաղթի դարաշրջանի տեղաշարժերը հիմնականում կատարում էին *գերմանական, թյուրքական և սլավոնական ցեղերը*: Հռոմեացիները նրանց անվանում էին *բարբարոսներ* (այսինքն՝ *վայրի, ոչ բաղաբաղի*):

Գերմանական *գոթական ցեղերը* հատատվել էին Դանուբ գետից մինչև Դնեպր գետն ընկած շրջաններում: Նրանք կազմել էին երկու մեծ ցեղային միություն՝ *արև-*



Հին գերմանական ցեղի ընտանիք



Հոների արշավանքներով սկսվեց ժողովուրդների մեծ գաղթը

ՄԻՋԻՆ ԴԱՐԵՐ

մայրան (վեստ) գոթեր և արևելյան (օստ) գոթեր:

IV դարում Ասիայից Եվրոպա ներխուժեցին թյուրքալեզու հոները: Նրանք դուրս մղեցին Սև ծովի հյուսիսային շրջաններում բնակվող արևելյան գոթերին: Իսկ արևմտյան գոթերը տեղափոխվեցին Հռոմեա-

Ժողովուրդների մեծ գաղթը և Հռոմեական կայսրությունը



- Հռոմեական կայսրության սահմանները IV դ. վերջին
- - - Հռոմեական կայսրության բաժանման սահմանը IV դ. վերջին
- · - · - «Բարբարոսական» պետությունների սահմանները V դ. վերջին
- Ֆրանկներ – կայսրության տարածքում բնակվող գերմանական ցեղեր
- Գերմանական ցեղերի տեղաշարժերը IV–VI դարերում
- Սլավոնական ցեղերի տեղաշարժերը VI դ. վերջին և VII դ. սկզբին
- Հոների տեղաշարժերը IV–V դարերում

կան կայսրության տարածք: Այստեղ նրանք սահմանապահ ծառայություն էին կատարում, իսկ կայսրությունը պարտավորվել էր նրանց ապահովել զենքով և սննդամթերքով:

ԲԱՐԲԱՐՈՍՆԵՐԸ ԵՎ ՀՌՈՍԵԱԿԱՆ ԿԱՅՍՐՈՒԹՅՈՒՆԸ

Հռոմեական կայսրությունը, ինչպես գիտեք, 395 թ. բաժանվել էր երկու մասի: Ստեղծվել էր երկու պետություն՝ Արևմտյան և Արևելյան հռոմեական կայսրություններ:

V դարում բարբարոսական ցեղերը լուրջ սպառնալիք դարձան Արևմտյան հռոմեական կայսրության համար: *Արևմտյան գոթերը 410 թ. գրավեցին Հռոմ քաղաքը: Շուտով Գալլիայի հարավում նրանք ստեղծեցին Արևմտագոթական թագավորությունը: Գերմանական ցեղերից վանդալները Հյուսիսային Աֆրիկայում ստեղծեցին Վանդալական թագավորությունը:*

451 թ. հռոմեական բանակը և գերմանական ցեղերի զորքը միասին Կատալաունյան դաշտում (Գալլիայում) պարսության մասունեց հոներին: Այս ճակատամարտը համաշխարհային պատմության մեջ է մտել «Ժողովուրդների ճակատամարտ» անվամբ: Դրա շնորհիվ Արևմուտքն ազատվեց քոչվոր հոների սպառնալիքից: Մակայն դա կայսրության վերջին ռազմական հաջողությունն էր: Պետության գործերն արդեն տնօրինում էին ոչ թե կայսրերը, այլ կայսերական բանակի բարբարոս հրամանատարները:

Այսպիսով՝ բարբարոսները գրավեցին Արևմտահռոմեական կայսրության գրեթե



Բարբարոսների ներխուժումը Հռոմ XV դարի մանրանկար

ՄԻՋԻՆ ԴԱՐԵՐ



Ֆրանկների արքա Բյորվիգը

բոլոր տարածքները՝ բացի Իտալիայից ու Հյուսիսային Գալլիայից:

ԿԱՅՍՐՈՒԹՅԱՆ ԿՈՐԾԱՆՈՒՄԸ

Կայսերական բանակը հիմնականում կազմված էր *վարձկան* զերմանացիներից: Վարձկանները իրենց ծառայության դիմաց հողեր պահանջեցին, սակայն մերժում ստացան: Օգտվելով զինվորների դժգոհությունից՝ նրանց հրամանատար *Օդոակրը 476 թ. փասպալեց Արևմտյան հռոմեական կայսրության վերջին կայսրին*: Արևմտյան կայսրությունը կործանվեց:

Շուտով Իտալիա ներխուժեցին արևելյան գոթերը: Օդոակրը սպանվեց, և Իտալիայում ստեղծվեց *Արևելագոթական թագավորությունը*:

Ֆրանկների առաջնորդ *Բյորվիգը 486 թ. նվաճեց Հյուսիսային Գալլիան*: Շուտով նա ստեղծեց *Ֆրանկական թագավորությունը*: *Բյորվիգը (486–511 թթ.)* մկրտվեց և քրիստոնեությունը հռչակեց պետական կրոն:

Այսպիսով՝ Ժողովուրդների մեծ գաղթի և փերության թուլացման պատճառով կործանվեց Արևմտահռոմեական կայսրությունը:

Բյորվիգի մենամարտը գոթերի հետ



Բարբարոսները կայսրության փլատակների վրա ստեղծեցին նոր պետություններ:

Կործանվեց անտիկ հասարակությունը, և սկսեց ձևավորվել նոր՝ ափսոսալից հասարակություն:

Հարցեր և առաջադրանքներ

1. Ե՞րբ է սկսվել Ժողովուրդների մեծ գաղթը:
2. Փորձե՞ք ներկայացնել մեծ գաղթի պատճառները: Ո՞ր ցեղերն էին հիմնականում մասնակցում տեղաշարժերին:
3. Որտե՞ղ էին ապրում գոթերը: Ի՞նչ ցեղային միությունների էին բաժանված նրանք:
4. Վերհիշե՞ք, թե երբ է Հռոմեական կայսրությունը բաժանվել երկու մասի:
5. 451 թ. ի՞նչ հայտնի ճակատամարտ է տեղի ունեցել: Ի՞նչ նշանակություն է ունեցել այն Եվրոպայի համար:
6. Ո՞վ էր Օդոակրը և ո՞ր թվականին նա տապալեց Արևմտյան հռոմեական կայսրության վերջին կայսրին:
7. Ո՞վ էր Բլոդվիգը: Ի՞նչ պետություն է նա ստեղծել և որտե՞ղ:
8. Օգտվելով նաև քարտեզից՝ թվարկե՞ք Արևմտյան հռոմեական կայսրության տարածքում ստեղծված բարբարոսական թագավորությունները:

Քննարկման հարց

Ի՞նչ դեր է խաղացել Ժողովուրդների մեծ գաղթը համաշխարհային պատմության մեջ:

Նոր հասկացություններ, անուններ, արտահայտություններ

Ժողովուրդների մեծ գաղթ, հոներ, գոթեր, Գալլիա, վանդալներ, «Ժողովուրդների ճակատամարտ», Օդոակր, Արևելագոթական թագավորություն, Ֆրանկներ, Բլոդվիգ, Ֆրանկական թագավորություն

§ 2. ՔՐԻՍՏՈՆԵԱԿԱՆ ԵԿԵՂԵՑԻՆ

ԵԿԵՂԵՑՈՒ ԿԱՌՈՒՅՑԻ ՍՏԵՂԾՈՒՄԸ



Կոստանդինյանոս Մեծ
Կոստանդնուպոլիս,
Ս. Սոֆիայի տաճար,
խճանկար

Հիմնադրվելով առաջին դարում՝ քրիստոնեությունը աստիճանաբար տարածում գտավ Հռոմեական հսկայածավալ տերության մեջ և Արևելքի որոշ երկրներում: Քրիստոնեությունը աշխարհում առաջինը Հայաստանում ճանաչվեց պետական կրոն (301 թ.):

Միլանի 313 թ. հրովարտական այն ճանաչվեց Հռոմեական կայսրության մյուս *կրոնների հավասար*: Իսկ *Կոստանդնուպոլիսի 381 թ. տիեզերական ժողովում* քրիստոնեությունը հռչակվեց կայսրության *միակ պաշտոնական կրոն*:

Կայսրության տարածքում ստեղծվեց քրիստոնեական եկեղեցու ուժեղ կառույց: Եկեղեցու *դարաձրային (թեմական)* բաժանման ստորին միավորը *գյուղն* էր, ապա՝ *գավառը*: Կային նաև ավելի խոշոր միավորներ՝ *մետրոպոլիտոսություններ, արքեպիսկոպոսություններ, պատրիարքություններ*:


ՊԱՅՔԱՐ ԵԿԵՂԵՑՈՒ ՄԻԱՄՆՈՒԹՅԱՆ ՀԱՄԱՐ

Քրիստոնեական եկեղեցին մշտապես պայքարել է իր դավանանքի և կառույցի միասնության համար: *IV դ. սկզբին* եկեղեցու միասնության համար մեծ վտանգ էր ներկայացնում *արիոսականությունը*: Դրա հիմնադիրը Ալեքսանդրիայի Մայր տաճարի *քահանա Արիոսն* էր: Նա դեմ էր Երրորդության ուսմունքին:

325 թ. տեղի ունեցած Նիկեայի առաջին տիեզերական ժողովը դադարապարտեց Արիոսի հայացքները: Ժողովը հաստատեց Հսփայտ հանգանակը՝ քրիստոնեական դավանանքի կանոնները:

Հիսուս Քրիստոսի մասին I-IV դարերում ստեղծվել էր ծավալուն գրականություն: Սակայն նրա երկրային կյանքի մասին պատմող դրվագները հաճախ հակասում էին միմյանց: Եվ անհրաժեշտություն առաջացավ եղած երկերից ընտրություն կատարելու:


Կարթագենի եկեղեցական ժողովը (419 թ.) հաստատեց ընտրված գրականության ցանկը: Ընտրվեցին Հին և Նոր կտակարանները



Արիոսի ուսմունքը

Արիոսը պնդում էր, որ Աստծո որդին (Քրիստոսը) նույնական չէ Հայր Աստծո հետ: Որդին ստեղծվել է հոր կողմից և, հետևաբար, հոր պես հավերժական չէ: Սա նշանակում է, որ Արիոսը հերքում էր եկեղեցու գլխավոր դոգմաներից (համադրոյթներից) մեկը՝ Հայր Աստծո և Որդի Աստծո միասնությունը: IV դարի վերջին արիոսականությունն արգելվեց Հռոմեական կայսրությունում: Սակայն արիոսականությունը գոյատևեց գերմանական ժողովուրդների մոտ:

Նիկեայի առաջին տիեզերական ժողովը դադարապարտում է Արիոսի ուսմունքը:



Ավետարանի կազմ՝ չորս ավետարանիչների պատկերներով Ոսկեցրած արծաթ, 1255 թ.



Ս. Պետրոս առաքյալը

կազմող գրքերը և մյուս գրվածքները: *Հին և Նոր կրակարանները միասին կոչվեցին Աստվածաշունչ:*

ՍՈՒՐԲ ՊԵՏՐՈՍԻ ԱԹՈՌԸ

Եկեղեցու կառույցում մեծ հեղինակություն ունեին *առաքելական աթոռները*: Ըստ ավանդույթի՝ դրանք հիմնադրել էին Հիսուսի աշակերտները՝ առաքյալները: Նրանց հաջորդները համարվում էին քրիստոնեական հավատքի ճշմարտությունը և մաքրությունը պահպանողներ:

Հռոմի աթոռը հիմնադրել էր Հիսուսի սիրելի աշակերտ *Պետրոս առաքյալը*: Այն հավակնում էր լինելու գլխավորը: Կայսրության արևմուտքում Հռոմի աթոռը ղեկավար դիրք ուներ, սակայն Արևելքում նրա առաջնությունը չընդունվեց: Նրան իրենց հավասար էին համարում *Ալեքսանդրիայի, Անտիոքի, Երուսաղեմի* և *Կոստանդնուպոլսի* աթոռները:

Քրիստոնեական ընդհանուր եկեղեցում ղեկավար դիրք ձեռք բերելու համար Հռոմի եպիսկոպոսներն սկսեցին իրենց անվանել *պապ*: Այն նշանակում է *ընդհանուր (տիեզերական)* եկեղեցու ղեկավար (բառացի՝ *հայր*):

ԵԿԵՂԵՑԻՆ ԱՐԵՎԵԼՔՈՒՄ

Արևելքում քրիստոնեական եկեղեցին ներառում էր Բյուզանդիայի և քրիստոնեություն ընդունած արևելյան ժողովուրդների եկեղեցիները: Այստեղ ամենախոշոր միավորը *հունական եկեղեցին* էր: Այն փորձում էր իրեն ենթարկել նաև *հայկական*,

ՎԱՂ ՄԻՋՆԵԴԱՐ



Ս. Պետրոսի աթոռը. պատրաստվել է Պետրոս առաքյալի մահից մի քանի դար հետո, զարդարված է փղոսկրի վրա փորագրված կենդանիների և մարդկանց պատկերներով:

ասորական և եգիպտական եկեղեցիները:
Արևելյան յուրաքանչյուր եկեղեցի ուներ սեփական լեզվով գրականություն, որով էլ կատարվում էին արարողությունները:

Հունական եկեղեցին ղեկավարում էր Կոստանդնուպոլսի պատրիարքը: Նա նույնպես հավակնում էր լինելու գլխավորը և կրում էր «**րիեզերական պատրիարք**» անվանումը:



ՊԱՏՐԻԱՐՔ



ԱՐՔԵՊԻՍԿՈՊՈՍ



ՄԵՏՐՈՊՈԼԻՏ



ԵՊԻՍԿՈՊՈՍ

Եկեղեցու աստիճանակարգ

ՄԻՋԻՆ ԴԱՐԵՐ

Երկարատև պայքարից հետո քրիստոնեական եկեղեցու կառավարման գործում ղեկավար դեր ստանձնեցին երկուսը՝ Հռոմի պապը և Կոստանդնուպոլսի պատրիարքը:

Հարցեր և առաջադրանքներ

1. Քրիստոնեությունը նրբ է հռչակվել պաշտոնական միակ կրոն Հռոմեական կայսրությունում: Իսկ Հայաստանում:
2. Ինչո՞վ էր վտանգավոր արիոսականությունը:
3. Ինչ է Հավատո հանգանակը և նրբ է ընդունվել:
4. Եկեղեցական ո՞ր ժողովն է հաստատել ընտրված գրականության ցանկը: Ինչ մասերից է կազմված Աստվածաշունչը:
5. Թվարկե՞ք քրիստոնեական եկեղեցու առաքելական աթոռներ:
6. Ո՞վ է հիմնադրել Հռոմի առաքելական աթոռը:
7. Ինչ է նշանակում «պապ»:
8. Ո՞վ է ղեկավարում հունական եկեղեցին:
9. Թվարկե՞ք ձեզ հայտնի արևելյան եկեղեցիներ:

Քննարկման հարց

Ձեր կարծիքով ինչո՞ւ էին հատկապես Հռոմի և Կոստանդնուպոլսի աթոռները պայքարում գլխավորը լինելու համար:

Նոր հասկացություններ, անուններ, արտահայտություններ

Հավատո հանգանակ, արիոսականություն, Կարթագենի եկեղեցական ժողով, ընտրված գրականության ցանկ, Աստվածաշունչ, Հռոմի պապ, տիեզերական պատրիարք

§ 3. ԲՅՈՒԶԱՆԴԻԱՅԻ ՈՍԿԵԴԱՐԸ

ՎԵՐՋԻՆ ՀՌՈՄԵԱՅԻ ԿԱՅՍՐԸ

Բյուզանդիան միջնադարի հզոր պետություններից էր: Այն իր անվանումն ստացել է *Բուֆոր նեղուցի ափին* գտնվող Նախկին հունական գաղութ *Բյուզանդիոնի անունից*: Այստեղ էր կառուցվել Կոստանդնուպոլիս մայրաքաղաքը: Իր գոյության ընթացքում, սակայն, *տերությունը պաշտոնապես կոչվել է Արևելյան հռոմեական կայսրություն*:

Բյուզանդիան իրեն համարում էր Նախկին մեծ տերության ժառանգորդը: Հռոմի անկումից հետո կայսրության տարածքում ստեղծված *բարբարոսական պետությունների թագավորները*, որպես ավանդույթի շարունակություն, *ճանաչում էին բյուզանդական կայսեր գերագահությունը*: Նրանք կառավարում էին վերջինիս անունից: Բայց իրականում դրանք անկախ պետություններ էին:

Բյուզանդական կայսր *Հուսրինիանոս I-ը (527–565) որոշեց վերականգնել միասնական Հռոմեական կայսրությունը*:

Հուստինիանոսը ծնվել էր Մակեդոնիայում՝ չքավոր գյուղացու ընտանիքում: Նրա հորեղբայրը զինվորից հասել էր զորավարի աստիճանի, ապա դարձել էր Բյուզանդիայի կայսր: Հորեղբոր մահից հետո նա դարձավ կայսր: *Կրթված և աշխատասեր կայսրը*, որ *«երբեք չէր քնում»*, հիանալի քաղաքագետ էր, ճկուն դիվանագետ և տաղանդավոր զորավար:



Հուսրինիանոս I կայսրը
Խճանկար,
Ս. Վիտալե եկեղեցի,
Հոավեննա, Իտալիա



Հուսրինիանոս I կայսեր
պարկերով մեկտաղադրամ
Հուստինիանոսն առաջին
կայսրերից է, ով դրամի վրա
պատկերվել է խաչը ձեռքին:



Թեոդորա կայսրուհին
Խճանկար,
Ս. Վիտալե եկեղեցի,
Հռավեննա, Իտալիա

Մտավոր կարողություններով, իշխանատենչությամբ և դաժանությամբ Հուստինիանոսին չէր զիջում նրա *կինը՝ կայսրուհի Թեոդորան*: Երիտասարդ տարիներին նա եղել էր շրջիկ պարուհի: Հրապուրվելով Թեոդորայի աննկարագրելի գեղեցկությամբ և սուր խելքով՝ Հուստինիանոսն ամուսնացել էր նրա հետ: *Թեոդորան նույնպես մասնակցում էր կայսրության կառավարմանը*:

ԿԱՅՍԵՐԱԿԱՆ ԻՇԽԱՆՈՒԹՅՈՒՆԸ

Բյուզանդական կայսրի իշխանությունը ժառանգական չէր: Նրան ընտրում էին Ծերակույտը և զորքը: Կայսրը կարող էր լինել ցանկացած ազգության և հասարակական խմբի ներկայացուցիչ: *Նա ուներ և՛ աշխարհիկ, և՛ հոգևոր իշխանություն*:

Կայսրին էր պատկանում *օրենսդիր, դատական և ռազմական բարձրագույն իշխանությունը*:

Հուստինիանոսն աշխատում էր կայսրությունը կառավարել միասնական օրենքներով: Նա հրամայեց հավաքել և կարգավորել հռոմեական կայսրերի հրապարակած օրենքները: *Այդպես 529 թ. կազմվեց «Բաղաբացիական իրավունքի հավաքածուն»*:

ՀՈՒՍԻՆԻԱՆՈՍԻ ՊԱՏԵՐԱԶՄՆԵՐԸ

Կայսրությունը վերականգնելու նպատակով Հուստինիանոս I-ը նախ գրավեց վանդալների թագավորությունը Հյուսիսային Աֆրիկայում: *Բյուզանդական զորքը հայազգի Նարսես զորավարի գլխավորությամբ 555 թ. գրավեց Իտալիան*: Նվաճվեց նաև Իս-

պանիայի հարավ-արևելքը: Այդպես՝ Միջերկրական ծովն անցավ Բյուզանդիայի վերահսկողության տակ:

Հուստինիանոսը գրեթե վերականգնել էր Հռոմեական կայսրության սահմանները: Պատահական չէ, որ նրան անվանել են *«վերջին հռոմեացի կայսր»*:

Հուստինիանոսի օրոք կուտակված վիթխարի հարստությունները հիմնականում ծախսվում էին տաճարների, եկեղեցիների, պալատների և ամրոցների կառուցման վրա: Այս կառույցները, մասնավորապես՝ *Կոստանդնուպոլսի Ս. Սոֆիայի տաճարը*



«Սողանն՝ն, Էս հաղթեցի քեզ». այսպիսի բացականչությամբ Հուստինիանոսն արտահայտեց իր ապրումները Կոստանդնուպոլսում Սուրբ Սոֆիայի տաճարի բացման հանդեսին: Այս վիթխարի կառույցը համաշխարհային ճարտարապետության անգերազանցելի կոթողներից է: X դարում գմբեթը ավերվեց երկրաշարժից: Այն վերականգնեց հայ մեծանուն ճարտարապետ Տրդատը:

ՄԻՋԻՆ ԴԱՐԵՐ



Բյուզանդական կայսրությունը
VI-XI դարերում

(537 թ.), խորհրդանշում էին կայսրության վեհությունն ու փառքը:

Մակայն կայսրության հզորությունը կարճ տևեց: VII դարում պատմության թատերաբեմ իջած արաբները հսկայական տարածքներ գրավեցին կայսրությունից: Մինչև VIII դարի սկիզբը կայսրության տարածքը կրճատվեց չորս անգամ: *Դրանից հետո Բյուզանդիան այլևս չկարողացավ վերականգնել իր նախկին սահմանները:*

Հարցեր և առաջադրանքներ

1. Վերհիշե՛ք, թե երբ է կազմավորվել Բյուզանդական կայսրությունը: Որտեղի՞ց է առաջացել Բյուզանդիա անունը:
2. Ովքե՞ր էին ընտրում բյուզանդական կայսրին:
3. Որո՞նք էին կայսերական իշխանության առանձնահատկությունները Բյուզանդիայում:
4. Ե՞րբ է կազմվել «Քաղաքացիական իրավունքի հավաքածուն»:
5. Ի՞նչ նպատակներ էր հետապնդում Հուստինիանոս I-ը: Ի՞նչ տարածքներ նվաճեց նա:
6. Հայ նշանավոր ո՞ր ճարտարապետն է վերականգնել Ս. Սոֆիայի տաճարի գմբեթը:
7. Ներկայացրե՛ք Հուստինիանոս I-ի պատմական կերպարը:

Նոր հասկացություններ, անուններ, արտահայտություններ

Բյուզանդիա, Հուստինիանոս I, Թեոդորա, Նարսես, «Քաղաքացիական իրավունքի հավաքածու», «Վերջին հռոմեացի կայսր», Ս. Սոֆիայի տաճար

§ 4. ԲՅՈՒԶԱՆԴԻԱՆ ՀԱՅԿԱԿԱՆ (ՄԱԿԵԴՈՆԱԿԱՆ) ՀԱՐՍՏՈՒԹՅԱՆ ՕՐՈՒՔ

ԲՅՈՒԶԱՆԴԻԱՅԻ ՎԵՐԵԼՔԸ

Հուստինիանոսից հետո Բյուզանդիան դժվարին ժամանակներ էր ապրում: *Արաքները նվաճեցին* Ասորիքը, Պաղեստինը և Փոքր Ասիայի արևելքը: *Սլավոնները հաստատվեցին Բալկանյան թերակղզու* հյուսիսային շրջաններում: Սակայն Բյուզանդիան *կրկին հզորացավ Հայկական (Մակեդոնական) արքայատոհմի* կառավարման օրոք (867–1056):

Նոր արքայատոհմի հիմնադիր *Վասիլը (Բարսեղ)* ազգությամբ հայ էր: Նա իրեն համարում էր հայ Արշակունիների ժառանգը: Ծնվել էր Մակեդոնիայում՝ չքավոր գյուղացու ընտանիքում: Մանուկ հասակում գերվել էր բուլղարների կողմից և երկար ժամանակ ապրել գերության մեջ: Վերադառ-

Բյուզանդիան IX դարում



ՄԻՋԻՆ ԴԱՐԵՐ

նալով Բյուզանդիա՝ նա ծառայության է անցնում կայսերական արքունիքում՝ որպես ախտոռայան: Շուտով Վասիլը դառնում է համակառավարիչ Միքայել III կայսեր հետ: Այնուհետև տապալելով նրան՝ դառնում է կայսր:

Վասիլ I-ը (867–886) մեղքեց գահաժառանգման նոր կարգ: Այժմ միայն իշխող արքայատոհմի ներկայացուցիչները կարող էին կայսր դառնալ: Նրա օրոք Բյուզանդիան վերականգնեց իր տիրապետությունը Միջերկրական և Սև ծովերի ավազաններում:

Վասիլ I-ի հանձնարարությամբ լրացվեց Հուստինիանոսի կազմած օրենսգիրքը: Նրա հաջորդ **Լևոն VI Իմաստասերը** կազմեց օրենքների նոր ժողովածու՝ բաղկացած **60 գրքերից:**

Հայկական արքայատոհմի կառավարման տարիներին **կայսրությանը միացվեցին** Բուլղարական թագավորությունը, Ասորի-

*Լևոն VI-ը Քրիստոսի ստջև
Սուրբ Սոփիայի տաճար,
Խճանկար, IX դար*



քը, Հյուսիսային Միջագետքի և Հայաստանի գգալի մասը:

ՄՇԱԿՈՒԹԱՅԻՆ ՎԵՐԱԾՆՈՒՆԴԸ

Տերության հզորացումը պայմաններ ստեղծեց բյուզանդական մշակույթի վերելքի համար: *Հայկական արքայատոհմի կառավարման ժամանակաշրջանը սովորաբար անվանում են Վերածննդի դարաշրջան:*

Մշակույթի և գիտության հովանավոր էր *Կոստանդին VII Ծիրանածին* կայսրը: Նա գրել է մի շարք գիտական աշխատություններ: Նրա երկերում հետաքրքիր տեղեկություններ կան Բյուզանդիայի պատմության, ինչպես նաև հարևան ժողովուրդների, մասավորապես՝ հայերի մասին:

Արաբների դեմ մղած պայքարի ընթացքում *սրեղծվեց բյուզանդական էպոսը*: Այն կոչվում է *«Ասր Դիզենիս Ակրիբասի մասին»*:



Բյուզանդական ժամանակաշրջանի արվեստի նմուշ Խճանկար, V դար

Կոստանդինը (905–959) հենվում էր մայրաքաղաքի ազնվականության վրա, պայքարում էր պաշտոնյաների կաշառակերության և կամայականությունների դեմ: Գահակալել է 913–920 և 944–959 թվականներին: Կայսրը հայտնի է որպես հանրագիտարանային բնույթի ժողովածուների ստեղծման նախաձեռնող: Նա ինքն էլ գրել է աշխատություններ՝ «Պետության կառավարման մասին», «Բյուզանդական արքունիքի արարողությունների մասին» և այլն:



Կոստանդին VII Ծիրանածին

1045 թ. Կոստանդնուպոլսում բացվեց համալսարան, որն ուներ իրավաբանության և փիլիսոփայության բաժիններ:

ԿԱՅՍՐՈՒԹՅՈՒՆԸ՝ ԳՐՈՇՆԵՐԻ ԹԻՐԱՆ



Մանագլերոյի ճակատամարտը
XV դարի ֆրանսիական
մանրանկար

XI դ. երկրորդ կեսին Բյուզանդիան կրկին հայտնվեց դժվարին վիճակում: Մանագլերոյ քաղաքի մոտ 1071 թ. բյուզանդական զորքը ծանր պարտություն կրեց թյուրք-սելջուկներից, իսկ կայսրը գերի ընկավ: Այնուհետև սելջուկները գրավեցին Փոքր Ասիայի մի մասը:

Բյուզանդիայի համար մեծ սպառնալիք էին նաև պեչենեգները, որոնք ասպատակում էին Բալկանյան թերակղզին: Սելջուկները կայսրության մայրաքաղաքին մոտենում էին ասիական, իսկ պեչենեգները՝ եվրոպական կողմից:

Այս ծանր իրավիճակում գահն անցավ Կոմենենոսների արքայատոհմին: Նրանց հաջողվեց երկարաձգել Բյուզանդիայի գոյությունը, սակայն կայսրությունը հզորացնել չհաջողվեց:

Հարցեր և առաջադրանքներ

1. Ինչ տարածքներ կորցրեց Բյուզանդիան արաբների դեմ սղվող պատերազմների հետևանքով:
2. Ո՞վ էր Հայկական (Մակեդոնական) արքայատոհմի հիմնադիրը: Ինչպե՞ս նա հասավ կայսերական աստիճանի:
3. Փաստերով հիմնավորե՞ք, որ Հայկական արքայատոհմի օրոք Բյուզանդիան կրկին հզորացել էր:
4. Ինչո՞վ է հայտնի Կոստանդին VII Ծիրանածին կայսրը:
5. Ո՞րն է բյուզանդական էպոսը և ինչի՞ հետ է կապված նրա ստեղծումը: Այս առումով կարո՞ղ ենք այն համեմատել հայկական էպոսի հետ:
6. Ե՞րբ է բացվել Կոստանդնուպոլսի համալսարանը:

7. Ովքե՞ր էին սելջուկները և պեչենեգները:
8. Ե՞րբ է տեղի ունեցել Մանազկերտի ճակատամարտը: Ի՞նչ հետևանքներ ունեցավ այն:
9. Ո՞ր արքայատոհմին անցավ գահը ծանր վիճակում:

Գործնական աշխատանք

Տվե՛ք Հուստինիանոս I և Վասիլ (Բարսեղ) I կայսրերի համեմատական բնութագիրը «Տրամագիր» վարժության միջոցով:

Նոր հասկացություններ, անուններ, արտահայտություններ

Հայկական (Մակեդոնական) արքայատոհմ, Վասիլ (Բարսեղ) I, գահաժառանգման նոր կարգ, Լևոն VI Իմաստասեր, Կոստանդին VII Ծիրանածին, Կոստանդնուպոլսի համալսարան, 1071 թ. Մանազկերտի ճակատամարտ, թյուրք-սելջուկներ, պեչենեգներ, Կոմնենոսների արքայատոհմ

§ 5. ԿԱՐՈՒԻՆՔՆԵՐԻ ԿԱՅՍՐՈՒԹՅՈՒՆԸ

ԾՈՒՅԼ ԹԱԳԱՎՈՐՆԵՐԸ

Հյուսիսային Գալլիայում, ինչպես գիտեք, կազմավորվել էր Ֆրանկական թագավորությունը: Առաջին թագավոր *Քլոդվիգի տոհմանունով արքայատոհմը կոչվեց Մերովինգների*: Քլոդվիգի հրամանով կազմվեց ժողովածու, որը ստացավ «*Մալիական դատաստանագիրք*» անվանումը:

Մերովինգների արքայատոհմը շուտով սկսեց թուլանալ: Նրանք թեև պահպանում էին թագավորական տիտղոսը, բայց իշխանությունն չունեին: Երկիրը կառավարում էին *արքայական կալվածքների կառավարիչները՝ մայորդոմները* (լատ.՝ տան



*Քլոդվիգն ու զինվորը
Նկարում Քլոդվիգը պարկերված է
սվեգարդ ծերունու փեսքով, չնայած
այդ ժամանակ նա ընդամենը
20 տարեկան էր:*

Հաղթանակ տանելով Սուատոնի ճակատամարտում (486 թ.)՝ ֆրանկները, ի թիվս այլ ավարի, վերցրին զարմանալի գեղեցկության մի մեծ գավաթ: Քլոդվիգը խնդրեց այդ գավաթը տալ իրեն՝ իր սասնաբաժնից դուրս: Զինվորները պատասխանեցին. «*Արա՛ ինչ ուզում ես, քանզի ոչ ոք չի կարող հսկառակվել քո իշխանությանը*»: Բայց մի զինվոր բարձրացրեց մարտական կացինը և կոտրեց գավաթը՝ ասելով. «*Ի՞նչ ոչինչ չես սրանա, բացի քո հասանելիքից*»: Բոլորը զարմացել էին այդ արարքից, բայց արքան թաքցրեց իր վիրավորանքը:

Մեկ տարի անց նա հրամայեց իր զորքին հավաքվել զորատեսի: Անցնելով շարքերի առջևով՝ նա մոտեցավ այդ նույն զինվորին և ասաց նրան. «*Ոչ ոք այդպես չի պահում իր զենքը*», — և խլելով նրանից կացինը՝ նետեց գետին: Իսկ երբ զինվորը կոացավ, որ վերցնի կացինը, արքան կտրեց նրա գլուխը: «*Այսպես, — ասաց նա, — դու վարվեցիր գավաթի հետ Սուատոնում*»:

Քլոդվիգը դրանով իր անձի հանդեպ մեծ սարսափ առաջացրեց զինվորների շրջանում:

ավագ): *Այդ պատճառով Մերովինգներին անվանում էին «ծույլ թագավորներ»:*

Նվաճելով Պիրենեյան թերակղզին՝ արաբները շարժվեցին դեպի Հարավային Գալլիա: *Պուաթիեի մոտ 732 թ. տեղի ունեցած ճակատամարտում* մայրոդոմ Կարլոս Մարտելը պարտության մատնեց արաբներին: Այս հաղթանակը մեծ նշանակություն ունեցավ, քանզի կանգնեցրեց արաբների առաջխաղացումը Եվրոպայում:

751 թ. մայրոդոմ Պիպին Կարճահասակը հռչակվեց Ֆրանկների թագավոր: Հեղաշրջումը կատարվեց Հռոմի պապի թույլտվությամբ: Վարձահատույց լինելու համար Պիպինը *արշավեց Հյուսիսային Իտալիա՝* այստեղ իշխող *լանգոբարդների* դեմ: Նրանցից խլված հողերը նա նվիրեց պապին: *Այս տարածքների վրա կազմավորվեց Պապական պետությունը* (գոյություն է ունեցել մինչև XIX դ. կեսերը):

Պիպինի գահակալումով Ֆրանկական պետությունում *հաստատվեց Կարոլինգների արքայատոհմը:* Այն այդպես է կոչվել Պիպինի հաջորդի՝ Կարլոս Մեծի անունից:

ԱՍՏՈՒ ԸՆՏՐՅԱԼ ԿԱՅՍՐԸ


Ֆրանկական պետությունը իր հզորության գագաթնակերին հասավ Կարլոս Մեծի (768-814) օրոք: Նա իր գրեթե ամբողջ կյանքն անցկացրեց պատերազմներում: Կարլոս Մեծը նվաճեց *Հյուսիսային Իտալիան, Բավարիա և Սաքսոնիա դքսությունները և Իսպանիայի հյուսիսարևելյան շրջանները:*

Կարլոսի նվաճումների արդյունքում Ֆրանկական պետության տարածքը կրկնա-



Կարլոս Մարտելի արձանը
Փարիզ, Վերսալ

ՄԻՋԻՆ ԴԱՐԵՐ



Կարլոս Մեծ
Ալբրեխտ Դյուրեր, 1512 թ.

պատկվեց: Նա իրեն համարում էր Արևմտահռոմեական կայսրության ժառանգորդը, ուստի ձգտում էր յուրացնելու կայսեր տիտղոսը: 800 թ. *Հռոմի պապը Կարլոսին թագադրեց արևմտահռոմեական կայսերական թագով:*

Վաղ միջնադարի Եվրոպայում *Կարլոս անունը դարձավ արքայական իշխանության խորհրդանիշ:* Եվրոպայի առանձին երկրների կառավարողները սկսեցին իրենց անվանել «կարոլ» (թագավոր)՝ Կարլոսի անունից:

Կարլոսի մահից հետո, սակայն, նրա տերությունը տրոհվեց: 843 թ. *Վերդեն քաղաքում Կարլոսի երեք թոռները դաշնագիր ստորագրեցին կայսրության բաժանման վերաբերյալ:* Վերդենի դաշնագիրը հիմք դարձավ ապագա *Ֆրանսիայի, Գերմանիայի և Իտալիայի* կազմավորման համար:

ԿԱՐՈԼԻՆԳՅԱՆ ՎԵՐԱԾՆՈՒՆԴԸ

Կարոլինգների օրոք ձևավորվեց նոր մշակույթ, որն ստացել է «*Կարոլինգյան վերածնունդ*» անվանումը: Կարլոս Մեծը ձգտում էր կայսրության տարածքում ապրող բոլոր ժողովուրդների ու ցեղերի համար ստեղծել *միասնական մշակույթ*: Այն ձևավորվեց երեք մշակույթների՝ *անտիկ, քրիստոնեական և բարբարոսական*, հիմքի վրա: Դրանց կապող օղակը եկեղեցին և լատիներենն էին:

Խոշոր վանքերում բացվեցին *դպրոցներ*: Այնտեղ սովորում էին ոչ միայն հոգևորականների, այլև աշխարհիկ մարդկանց երեխաները: Աճեց կրթությունն ստացած մարդկանց թիվը:

Կարլոս Մեծի կայսրությունը



Վանքերում արտագրում և պահպանում էին անտիկ գիտնականների աշխատությունները:

Կարլոսը արքունիք էր հրավիրում կրթված մարդկանց Իտալիայից, Իսպանի-

ՄԻՋԻՆ ԴԱՐԵՐ

այից, Բրիտանիայից: *Արքունիքում ստեղծվել էր գրական խմբակ*, որը կոչվում էր «*արքունական սկադեմիա*»: Նրա գործունեությանը մասնակցում էին նաև Կարլոս Մեծը և նրա ընտանիքի անդամները:

«Կարոլինգյան վերածնունդը» մեծ դեր խաղաց Արևմտյան Եվրոպայի մշակույթի ձևավորման և զարգացման գործում:

Հարցեր և առաջադրանքներ

1. Վերհիշե՛ք՝ որտեղ, երբ և ով է կազմավորել Ֆրանկական թագավորությունը:
2. Ինչո՞ւ էին Մերովինգներին անվանում «ծույլ թագավորներ»:
3. Ե՞րբ է տեղի ունեցել Պուատիեի ճակատամարտը և ի՞նչ նշանակություն է ունեցել:
4. Ո՞վ էր Կարոլինգների արքայատոհմի հիմնադիրը:
5. Ե՞րբ է գահակալել Կարլոս Մեծը: Քարտեզի վրա ցոյց տվե՛ք նրա նվաճած տարածքները:
6. Ե՞րբ է կնքվել Վերդենի դաշնագիրը: Ո՞ր պետությունների առաջացման հիմք դարձավ այն:
7. Ո՞ր մշակույթների հիմքի վրա է առաջացել «Կարոլինգյան վերածնունդի» մշակույթը: Ի՞նչ նշանակություն է ունեցել այն:

Ստեղծագործական աշխատանք

Բնութագրե՛ք Կարլոս Մեծին: Փորձե՛ք ինքնուրույն պատկերել նրան: Հայոց արքաներից ո՞ւմ եք նմանեցնում Կարլոս Մեծին: Հիմնավորե՛ք ձեր ընտրությունը:

Նոր հասկացություններ, անուններ, արտահայտություններ

Մերովինգների արքայատոհմ, «Մալիական դատաստանագիրք», մայրդոմ, «ծույլ թագավորներ», Պուատիեի 732 թ. ճակատամարտ, Պապական պետություն, Պիպին Կարճահասակ, Կարոլինգների արքայատոհմ, Կարլոս Մեծ, Վերդենի դաշնագիր, «Կարոլինգյան վերածնունդ»

§ 6. ՍՐԲԱԶԱՆ ՀՌՈՄԵԱԿԱՆ ԿԱՅՍՐՈՒԹՅՈՒՆԸ

ԳԵՐՄԱՆԱԿԱՆ ՊԵՏՈՒԹՅԱՆ ԾՆՈՒՆԴԸ

Վերդենի դաշնագրով առանձնացված բուն *գերմանական հողերից ձևավորվեց նոր պետություն*: Այն սկզբում կոչվում էր *Արևելաֆրանկական թագավորություն*:

X դ. սկզբին Կարոլինգների արքայատոհմը դադարեց գոյություն ունենալուց: *919 թ. արևելաֆրանկական թագավոր ընտրվեց Սաքսոնիայի դուքս Հենրիխը*: Այսպես Եվրոպայում առաջացավ *Գերմանական թագավորությունը*: Այն ընդգրկում էր Հռենոս գետից մինչև Էլբա գետը, Հյուսիսային ծովից մինչև Ալպերի լեռներն ընկած տարածքները:

Իր իշխանությունն ամրապնդելու համար Հենրիխ I-ը, երկրի ներսում որոշակի զիջումներ անելով իր հակառակորդներին, կարողացավ նրանց հետ պահել պառակտումներից: Բացի այդ՝ նա դաշինք կնքեց Արևմտաֆրանկական պետության թագավորի հետ՝ զիջելով նրան Լոթարինգիան: Սակայն օգտվելով այդ թագավորության թուլացումից՝ հետ գրավեց այն:

930 թ. նա հպատակեցրեց Չեխիայի իշխան Վացլավ I-ին:

Գերմանիայի համար մեծ վտանգ էին ներկայացնում նաև հունգարները: Նա 933 թ. պարտության մատնեց հունգարներին:



Հենրիխ I



Օսրյուն I

Գերմանիայում *արքայական իշխանությունն ամուր չէր*: Այնտեղ *գոյություն ունեին հինգ խոշոր դքսություններ*: Դքսության կառավարիչները՝ դուքսերը, *թագավորին ընդունում էին որպես հավասարների մեջ առաջինը*: Դքսության բնակչությունը ենթարկվում էր դուքսին և ոչ թե թագավորին:

ԹԱԳԱԳՐՈՒԹՅՈՒՆ Ս. ՊԵՏՐՈՍԻ ՏԱՃԱՐՈՒՄ

Թագավորական իշխանությունն ամրապնդելու համար հաջորդ թագավոր *Օսրյուն I-ը (936–973)* որոշեց նոր հենարան գտնել և վերջ տալ դուքսերի անջատողական ձգտումներին: *Այդպիսի հենարան դարձավ գերմանական եկեղեցին*: Օտտոնը եկեղեցուն շնորհեց հող, դատական և ռազմական իշխանություն: *Բարձրաստիճան հոգևորականները ներգրավվում էին զինվորական ծառայության մեջ և դառնում էին զորամասերի հրամանատարներ*:

Բոլոր եպիսկոպոսական և խոշոր վանքերի վանահայրերի պաշտոնները թագավորի տնօրինության ներքո էին: Նա էր բարձրաստիճան հոգևորականներին նշանակում պաշտոնի:

Այս ճանապարհով Գերմանիայում ամրապնդվեց թագավորական իշխանությունը: Օտտոնը *955 թ. պարսության մայրնեց հունգարներին*: Այս հաղթանակից հետո նա իրեն համարում էր Եվրոպայի ամենահզոր տիրակալը: Նա ցանկանում էր նմանվել Կարլոս Մեծին և ստեղծել կայսրություն: Դրա համար նա պետք է նվաճեր Իտալիան և իրեն ենթարկեր Հռոմի պապին:

Օտտոնը սկզբում նվաճեց Հյուսիսային Իտալիան, ապա մտավ Հռոմ: *962 թ. պապը նրան թագադրեց Արևմտահռոմեական կայսրության թագով:*

ՍՐԲԱԶԱՆ ՀՌՈՄԵԱԿԱՆ ԿԱՅՍՐՈՒԹՅՈՒՆԸ

Նորաստեղծ կայսրությունն ընդգրկում էր *Գերմանիան, Հյուսիսային և Միջին Իտալիան, Հարավարևելյան Ֆրանսիան:* Այն հավակնում էր դառնալու Արևմտահռոմեական կայսրության ժառանգորդը:

Գերմանական կայսրերը նպատակ էին դրել Եվրոպայում սրեղծելու միասնական քրիստոնեական տերություն: Այն ունենալու էր *կրոնական և աշխարհիկ* մայրաքաղաքներ՝ *Հռոմը և Մախենը:* Նման տերությունն ստեղծվեց. դրա *աշխարհիկ իշխանությունը պարկանում էր կայսրին, իսկ հոգևորը՝ պապին:*

Որոշ ժամանակ անց պետությունը պաշտոնապես կոչվեց *Սրբազան հռոմեական կայսրություն:*

Օտտոնի և նրա հաջորդների օրոք մեծ վերելք ապրեց մշակույթը: Այդ պատճառով այս դարաշրջանը սովորաբար անվանում են նաև *Օտտոնյան վերածնունդ:*

Ամենուրեք բացվեցին *դպրոցներ:* Բարձր զարգացման հասավ *պատմագրությունը:* Վանական *Վիդուբինդը* գրեց «*Մաքսերի պատմությունը*» աշխատությունը: Նա փորձում էր հիմնավորել Սրբազան հռոմեական կայսրության ստեղծման անհրաժեշտությունը և այդ գործում գերմանացիների խաղացած կարևոր դերը:



Արևմտահռոմեական կայսրության թագը



Օտտոն I-ը Քրիստոսին է ընծայում փաճաբի մանրակերպը:

ՄԻՋԻՆ ԴԱՐԵՐ

Հարցեր և առաջադրանքներ

1. Ինչպե՞ս և ե՞րբ առաջացավ Գերմանական թագավորությունը:
2. Ո՞ր տարածքներն էր ընդգրկում նորաստեղծ պետությունը:
3. Ինչո՞ւ էր Գերմանիայում արքայական իշխանությունը թույլ:
4. Ի՞նչ քայլեր ձեռնարկեց Օտտոն I-ը թագավորական իշխանությունն ամրապնդելու համար:
5. Ո՞ր իրադարձությունից հետո Օտտոն I-ն իրեն համարեց Եվրոպայի ամենահզոր տիրակալը: Համաձայն էք նրա հետ. հիմնավորե՞ք ձեր տեսակետը:
6. Օտտոն I-ը ե՞րբ և որտե՞ղ թագադրվեց Արևմտահռոմեական կայսրության թագով:
7. Ի՞նչ է Օտտոնյան վերածնունդը: Ո՞վ էր «Մաքսերի պատմությունը» աշխատության հեղինակը, և ի՞նչ էր փորձում նա հիմնավորել:

Քննարկման հարց

Ինչո՞ւ Գերմանական տերությունը կոչվեց Սրբազան հռոմեական կայսրություն:

Նոր հասկացություններ, անուններ, արտահայտություններ

Հենրիխ Մաքսոնացի, Գերմանական պետություն, Օտտոն I, Աախեն, Սրբազան հռոմեական կայսրություն, «Օտտոնյան վերածնունդ», Վիդուքինդ

§7. ԱՆՀԱՆԳԻՍՏ ԵՎՐՈՊԱՆ

ՎԻԿԻՆԳՆԵՐԸ

Հյուսիսային Եվրոպայի պատմության IX–XI դարերն անվանում են *վիկինգների դարաշրջան*:

Սկանդինավյան թերակղզու բնակիչները՝ *դանիացիները, շվեդները և նորվեգացիները*, ձեռնամուխ եղան նվաճումների: Սկանդինավյացիներին ընդհանրական անվանում էին *նորմաններ* («հյուսիսային մարդիկ»), Հին Ռուսիայում՝ *վարյագներ*: Իսկ ծովային արշավանքներին մասնակցողները հայտնի էին նաև *վիկինգներ* անունով:

Վիկինգները գաղութներ և իշխանություններ հիմնեցին *Բրիտանիայում, Ֆրանսիայում, Սիցիլիայում, Հյուսիսային Ամերիկայում*:


X դարում վիկինգները բնակեցրին *Իսլանդիան*: Շուտով նրանք հայտնագործեցին նաև *Գրենլանդիա կղզին*: Իսկ վիկինգ *Լեյֆ Էրիկսոնը 1000 թ. հասավ Հյուսիսային Ամերիկա*, որտեղ հիմնեց գաղութ:

Այսպիսով՝ *Քրիստոսից Կոլումբոսից մուր հինգ հարյուր տարի առաջ վիկինգներն արդեն հասել էին Ամերիկա*:

ԱՐԵՎՄՏՅԱՆ ՍԼԱՎՈՆՆԵՐԸ

Եվրոպայի արևելքում և հարավում ապրում էին սլավոնական ժողովուրդները: Ընդունված է նրանց բաժանել *երեք ճյուղի՝ արևմտյան, արևելյան և հարավային*:

Արևմտյան սլավոնները (լեհեր, չեխեր, սլովակներ, մորավներ) զբաղեցնում էին Էլբա գետից արևելք ընկած տարածքները:



Լեյֆ Էրիկսոնի արձանը Սեյնթ Փոլ, Մինեսոտա նահանգ, ԱՄՆ



Կիրիլ և Մեթոդիոս եղբայրները

IX դարում կազմավորվեց *Մեծ Մորավիա* իշխանությունը: Բյուզանդիայից այստեղ ժամանեցին քրիստոնեության քարոզիչներ *Կիրիլ և Մեթոդիոս եղբայրները*: Նրանք *սրեղծեցին սլավոնական այբուբենը* և Աստվածաշունչը հունարենից թարգմանեցին սլավոներեն:

Մեծ Մորավիայի կազմում *IX դ. վերջին* ձևավորվեց *Չեխական իշխանությունը*, որը շուտով անկախացավ: Չեխերը քրիստոնեությունն ընդունեցին կաթոլիկ ձևով: Չեխական եկեղեցին ենթարկվեց Հռոմի պապին:

Լեհական պետությունն առաջացավ *X դարում*: Լեհերը նույնպես ենթարկվեցին կաթոլիկ եկեղեցուն:

ՀԱՐԱՎԱՅԻՆ ՍԼԱՎՈՆՆԵՐԸ

Հարավային սլավոնները (սերբեր, խորվաթներ, սլովեններ) ապրում էին Բալկանյան թերակղզում: Հետագայում արևելքից այստեղ եկան *թյուրքալեզու բուլղարները*: *681 թ.* նրանք *սրեղծեցին Բուլղարական թագավորությունը*: Նրանք շուտով ձուլվեցին տեղաբնիկ սլավոններին: *Այսպես ձևավորվեց սլավոնական բուլղար ժողովուրդը*: IX դ. կեսերին բուլղարներն ընդունեցին քրիստոնեությունը հունական ձևով:

IX դարում կազմավորվեց *Սերբական պետությունը*: Սակայն սերբերին չհաջողվեց ստեղծել միասնական եկեղեցի: Սերբերի մի մասը քրիստոնեությունն ընդունեց կաթոլիկ, իսկ մյուս մասը՝ ուղղափառ ձևով:

Մլավոնական ցեղերի զբաղեցրած տարածքը



ՀՈՒՆԳԱՐՆԵՐԸ

Քոչվորական կյանք վարող հունգարական ցեղերն ապրում էին Վոլգա և Ուրալ գետերի շրջանում: *IX դարում նրանք հաստատվեցին ժամանակակից Հունգարիայի տարածքում:* Արդեն ասվել է, որ 955 թ. հունգարները ծանր պարտություն կրեցին գերմանացիներից: Դրանից հետո նրանք դադարեցին ասպատակել հարևան երկրները և դարձան նստակյաց: *1001 թ. հիմնվեց Հունգարական պետությունը:* Հունգարական եկեղեցին ենթարկվեց Հռոմի պապին:

ՄԻՋԻՆ ԴԱՐԵՐ

ՎԻԿԻՆԳՆԵՐՆ ԱՄԵՐԻԿԱՅՈՒՄ

Ըստ սկանդինավյան ավանդազրույցի, որը գրառվել է XIII դարում

Նորվեգացիները վիկինգների դարաշրջանում բնակեցրին Ատլանտյան օվկիանոսի հյուսիսարևելյան շրջանները: IX դ. վերջին նրանց կողմից սկսվեց Իսլանդիա (նշանակում է «Սառույցների երկիր») կղզու բնակեցումը: Մեկ դար անց իսլանդական նորվեգացի էրիկ Շիկահերը հասավ մի անհայտ երկիր: Նրան դուր եկան խիտ խոտածածկույթով հովիտները, ծովում՝ ձկների և փոկերի առատությունը: Վերաբնակիչներին հրապուրելու նպատակով էրիկը կղզին անվանեց Գրենլանդիա («Կանաչ երկիր»):

Մոտավորապես 1000 թ. էրիկի որդի Լեյֆ էրիկսոնը հասավ նոր երկրներ՝ Գրենլանդիայից արևմուտք: Դա եվրոպացիների համար նոր մայրցամաք էր, որը հետագայում կոչվեց Ամերիկա: Սակայն սկանդինավները չկարողացան այստեղ երկար ամրապնդվել: Այս երկրները իրենց հայրենիքից շատ հեռու էին, բայց հնարավոր է՝ խանգարեց նաև տեղական բնակչության դիմադրությունը:

Այս հայտնագործության մասին այն ժամանակ Եվրոպայի երկրներում գրեթե ոչ ոք չգիտեր:

Հարցեր և առաջադրանքներ

1. Ուլքեր էին նորմանները: Իսկ վիկինգները: Ինչպե՞ս էին նրանց անվանում Հին Ռուսիայում:
2. Վիկինգները որտե՞ղ հիմնեցին իշխանություններ:
3. Լեյֆ էրիկսոնը ե՞րբ է ափ իջել Հյուսիսային Ամերիկայում:
4. Եվրոպայի ո՞ր մասերում էին ապրում սլավոնները: Քանի՞ ճյուղի են նրանց բաժանում:
5. Որտե՞ղ էին բնակվում արևմտյան սլավոնները: Ի՞նչ պետություններ նրանք հիմնեցին:
6. Հարավային սլավոնական ի՞նչ ժողովուրդներ կարող եք նշել:
7. Ե՞րբ են ստեղծվել Բուլղարական թագավորությունը և Սերբական պետությունը:
8. Սկզբնապես որտե՞ղ էին ապրում հունգարները: Ե՞րբ է ստեղծվել Հունգարական պետությունը:
9. Ո՞ր աթոռների գերագահությունն ընդունեցին սլավոնական եկեղեցիները. թվարկե՛ք:

Նոր հասկացություններ, անուններ, արտահայտություններ

Վիկինգների դարաշրջան, նորման (վիկինգ), վարյագ, Լեյֆ էրիկսոն, սլավոններ, Բուլղարական թագավորություն, Մեծ Մորավիա, Չեխիա, Կիրիլ, Մեթոդիոս, Լեհական պետություն, Սերբական պետություն, Հունգարական պետություն

§ 8. ՀԻՆ ՌՈՒՍԻԱՆ

ԱՐԵՎԵԼՅԱՆ ՍԼԱՎՈՆՆԵՐԸ

Եվրոպայի արևելյան շրջաններում հին ժամանակներից բնակվում էին սլավոնական բազմաթիվ ցեղեր: Առաջին հազարամյակի կեսերին նրանք դեռևս ապրում էին տոհմատիրական հասարակության պայմաններում:

VI–VIII դարերում արևելյան սլավոնների մոտ *սկսեցին ձևավորվել ցեղային խոշոր միություններ*: Յուրաքանչյուր ցեղային միության գլուխ կանգնած էր *ռազմական առաջնորդը՝ իշխանը* (ռուսերեն՝ *կնյազ*): Վերջինս ուներ *զինված ջոկատ*, որը կոչվում էր *դրուժինա*:

Գնեպր գետի միջին հոսանքի շրջանում *Կիևի* (ներկայիս Ուկրաինայի մայրաքաղաքը) *մուր, ապրում էին պոլյանները*: Նրանց ստեղծած ցեղային միությունն ամենազարգացածն էր: *Միության տարածքն անվանում էին Ռոս*՝ Գնեպրի վտակ Ռոս գետի անունից: Այստեղից էլ հետագայում առաջացել է Արևելյան Եվրոպայի մեծ մասն ընդգրկող պետության անվանումը՝ Ռուսիա:

ՀԻՆ ՌՈՒՍԻԱ ՊԵՏՈՒԹՅԱՆ ԾՆՈՒՆԴԸ

Արևելյան սլավոնները *IX դարում միավորվեցին և սրեղծեցին երկու պետություն*: Դրանցից մեկը *հյուսիսում* էր՝ *Նովգորոդ* կենտրոնով, մյուսը՝ *հարավում՝ Կիև* կենտրոնով: Այդ ժամանակ սլավոններին հյուսիսից սպառնում էին վարյազները: Ավարի համար նրանք Բալթիկ ծովից հասնում էին



*Իշխան Ռյուրիկի պարկերով
նսկեղրամ
Ռուսաստանի բանկ, 2011 թ.*

Ըստ ռուսական հնագույն ավանդության՝ 862 թ. նովգորոդցիները Ռուսիա են հրավիրում վարյազների իշխան Ռյուրիկին՝ իրենց կառավարելու: Այդպես հիմք է դրվում ռուսական իշխանական տոհմին:



Նովգորոդի իշխան Օլեգը

Բյուզանդիայի մայրաքաղաք: Դա «Վարյազներից հույներ» տանող ճանապարհին էր:

Նովգորոդի իշխան Օլեգը 882 թ. գրավեց Կիևը: Նա «Վարյազներից հույներ» տանող ճանապարհի երկայնքով ընկած սլավոնական հողերը միավորեց մեկ պետության մեջ: **Այսպես առաջացավ Հին Ռուսիա պետությունը:**

Օլեգը **Կիևը դարձրեց** նորաստեղծ երկրի **մայրաքաղաքը**: Ահա թե ինչու հին ռուսական պետությունն **անվանում են նաև Կիևյան Ռուսիա**: Պետությունը կառավարում էր Կիևում նստող **Մեծ իշխանը**: Նրան էին ենթարկվում ռուսական մյուս իշխանները:

Հին Ռուսիան աստիճանաբար հզորացավ: Դրան նպաստեցին կիևյան իշխանների նվաճողական պատերազմներն ու արշավանքները: Նրանց հարձակումների հիմնական թիրախ դարձավ Բյուզանդիայի տարածքը: Սլավոններին հատկապես հրապուրում էր վաճառաշահ ու հարուստ Կոստանդնուպոլիսը:

ՔՐԻՍՏՈՆԵՈՒԹՅԱՆ ԸՆԴՈՒՆՈՒՄԸ

Հին ռուսական պետության կազմավորումն ավարտվեց Մեծ իշխան **Վլադիմիրի օրոք (980–1015 թթ.)**: Վլադիմիրը հասկանում էր, որ պետության ու ժողովրդի համախմբման համար անհրաժեշտ է ստեղծել նաև հոգևոր միասնություն:

988 թ. քրիստոնեությունը հռչակվեց Հին Ռուսիայի պետական կրոն: Քրիստոնեության ընդունման շնորհիվ Հին Ռուսիան մտավ **քաղաքակիրթ երկրների շարքը**:

ՎԱՂ ՄԻՋՆԱԴԱՐ

Ամրապնդվեցին կապերը ժամանակի ուժեղ եվրոպական պետությունների հետ: Դրանում կարևոր դեր խաղացին *դինաստիական ամուսնությունները*: Ինքը՝ Մեծ իշխան Վլադիմիրն ամուսնացել էր Բյուզանդիայի կայսր Վասիլ (Բարսեղ) II-ի քրոջ՝ *Աննայի* հետ:

1054 թ. քրիստոնեական եկեղեցու մեծ բաժանումից հետո *ռուսական եկեղեցին*, ինչպես և բյուզանդականը, կոչվեց *որդափառ*:

ՅԱՐՈՍԼԱՎ ԻՄԱՍՏՈՒՆ. «ՌՈՒՍՍԿԱՅԱ ՊՐԱՎԻԱ»

Վլադիմիրն իր որդիներին նշանակեց Ռուսիայի տարբեր երկրամասերի ու քա-



Վլադիմիր I

Մեծ իշխան Վլադիմիրը պերական կրոն է ընտրում



ՄԻՋԻՆ ԴԱՐԵՐ



Յարոսլավ Ինասարունի արձանը, ձեռքին՝ «Ռուսակայա պրավդա» առաջին գրավոր օրենսգիրքը

ղաքների տեղապահ-իշխաններ: Նրանից հետո որդիների միջև սուր պայքար սկսվեց Մեծ իշխանի տիտղոսի համար: Հաղթեց իշխան *Յարոսլավը (1019–1054)*:

Պետական իշխանությունն ուժեղացնելու և հասարակության տարբեր դասերի միջև հարաբերությունները կանոնակարգելու նպատակով Յարոսլավը *ստեղծեց ռուսական առաջին գրավոր օրենսգիրքը*: Այն հայտնի է *«Ռուսակայա պրավդա»* անունով:

Յարոսլավը քաղաքներում ու նշանավոր վանքերում *բացեց դպրոցներ*: Սկսեցին գրի առնել պատմությունը *տարեգրությունների* տեսքով: *Վերելք ապրեցին գրականությունը և արվեստը*: Այս ամենի շնորհիվ Յարոսլավը ստացել է *Ինասարուն* պատվանունը:

Կիևյան Ռուսիան Յարոսլավի օրոք ժամանակի ուժեղ պետություններից մեկն էր: Ահա թե ինչու Եվրոպայի հզոր տիրակալները ձգտում էին դինաստիական կապեր հաստատել նրա հետ: Յարոսլավը, նրա որդիներն ու դուստրերը ամուսնացան Ֆրանսիայի, Նորվեգիայի, Հունգարիայի, Լեհաստանի, Բյուզանդիայի արքայական ընտանիքների ներկայացուցիչների հետ:

Հաջորդ հարյուրամյակի ընթացքում, սակայն, *Ռուսիան թուլացավ* և տրոհվեց բազմաթիվ անկախ իշխանությունների:

Հարցեր և առաջադրանքներ

1. Որտեղ էին բնակվում արևելյան սլավոնները:
2. Վաղ միջնադարում ինչպիսի՞ հասարակարգում էին նրանք ապրում:
3. Ովքեր էին պոլյանները: Ինչից է առաջացել *Ռուսիա* անվանումը:
4. Ինչ պայմաններ նպաստեցին հին ռուսական պետության առաջացմանը:
Երբ է ստեղծվել այն և ո՞ւմ օրոք: Ինչ անուններով է հայտնի:
5. Ինչը նպաստեց հին ռուսական պետության հզորացմանը:

ՎԱՂ ՄԻՋՆԵԴԱՐ

6. Ո՞ւմ օրոք է ընդունվել քրիստոնեությունը Հին Ռուսիայում:
7. Ո՞ր թվականներին է կառավարել Մեծ իշխան Յարոսլավը: Ինչո՞ւ է նա կոչվել Իմաստուն:
8. Ներկայացրե՛ք «Ռուսկայա պրավդայի» նշանակությունը: Վերհիշե՛ք ձեզ հայտնի այլ երկրների օրենսգրքեր:
9. Ո՞ր երկրների հետ էին դինաստիական կապեր հաստատել Կիևի Մեծ իշխանները:

Գործնական առաջադրանք

Խմբերով քննարկե՛ք և պարզաբանե՛ք, թե ինչ նշանակություն ունեցավ քրիստոնեության ընդունումը Կիևյան Ռուսիայի համար: Օգտագործե՛ք Հայաստանի, Բյուզանդիայի և այլ երկրների օրինակը:

Նոր հասկացություններ, անուններ, արտահայտություններ

Կնյագ, դրուժինա, պոլյաններ, Նովգորոդ, Կիև, «Վարյագներից հույներ» տանող ճանապարհ, Օլեգ, Կիևյան Ռուսիա, Հին Ռուսիա, Վլադիմիր, «Ռուսկայա պրավդա», Յարոսլավ Իմաստուն

Ի ԲԱԺՆԻ ԱՄՓՈՓՈՒՄ

1. Արևմտահռոմեական կայսրությունը V դարի վերջին կործանվեց: Այսպես Եվրոպայում անկում ապրեց անտիկ հասարակությունը, և սկսվեց միջնադարյան կամ ավատատիրական հասարակության ձևավորումը: Մինչև ժողովուրդների մեծ գաղթը Եվրոպայում կար մեկ պետություն՝ Հռոմեական կայսրությունը: Մեծ գաղթը և բարբարոսների նվաճումները հիմք դարձան ժամանակակից եվրոպական պետությունների և ժողովուրդների ձևավորման համար:

❖ *Ո՞ր թվականին է կործանվել Արևմտահռոմեական կայսրությունը: Որո՞նք էին դրա պատճառները: Բնչ նոր պետություններ առաջացան դրա փլատակների վրա: Թվարկե՞ք դրանք:*

2. Քրիստոնեությունը 381 թ. հռչակվել էր Հռոմեական կայսրության միակ պաշտոնական կրոն: Քրիստոնեական եկեղեցու կառավարման գործում ղեկավար դեր ստանձնեցին Հռոմի պապը և Կոստանդնուպոլսի պատրիարքը: Քրիստոնեությունը պայքարում էր ոչ միայն հեթանոսության, այլև նրանց դեմ, ովքեր շեղվում էին պաշտոնական դավանանքի կանոններից:

❖ *Բնչո՞ւ էր եկեղեցին պայքարում արիոսականության դեմ: Ովքեր էին մրցակցում քրիստոնեական եկեղեցու գերագահության համար: Ո՞ր ժողովն է հաստատել ընտրված գրականության ցանկը:*

3. Բյուզանդական կայսր Հուստինիանոս I-ը փորձեց վերականգնել երբեմնի միասնական Հռոմեական կայսրությունը: Սակայն նրա մահից հետո կայսրությունը կորցրեց իր նախկին հզորությունը և տարածքների մի մասը: VII դարում պատմության թատերաբեմ իջած արաբներին հաջողվեց գրավել Բյուզանդիայի տարածքների զգալի մասը: Բյուզանդիան այլևս չկարողացավ վերականգնել իր նախկին հզորությունը:

❖ *Որտեղից է առաջացել կայսրության «Բյուզանդիա» անվանումը: Պաշտոնապես ի՞նչ էր այն կոչվում: Հուստինիանոս I-ին հաջողվեց իրականացնել իր նպատակը: Բնչ գործերով է հայրնի Հուստինիանոսը:*

4. Բյուզանդիան արաբների դեմ պայքարում զգալիորեն թուլացավ: Կայսրությունը կրկին զորեղացավ Հայկական (Մակեդոնական) արքայատոհմի օրոք: Այս ժամանակաշրջանում աննախադեպ զարգացման հասավ բյուզանդական մշակույթը: XI դ. երկրորդ կեսին Բյուզանդիայի դրությունը կրկին վատացավ: 1071 թ. Մանազկերտի ճակատամարտում թյուրք-սելջուկները ծանր պարտության մատնեցին բյուզանդացիներին:

❖ *Ո՞վ էր Հայկական արքայատոհմի հիմնադիրը: Ապացուցե՛ք, որ նոր արքայատոհմի օրոք Բյուզանդիան իրոք հզորացել էր: Ձեր կարծիքով ինչո՞ւ սելջուկներին հաջողվեց պարտության մատնել Բյուզանդիային: Նշե՛ք դրա հետևանքները:*

5. Օգտվելով Արևմտահռոմեական կայսրության անկումից՝ ֆրանկները Քլոդվիգի առաջնորդությամբ Հյուսիսային Գալլիայում հիմնել էին թագավորություն: Ֆրանկական պետությունը իր հզորության գագաթնակետին հասավ Կարլոս Մեծի օրոք: Փաստորեն՝ Կարլոս Մեծի տերությունը զբաղեցնում էր նախկին Արևմտահռոմեական կայսրության հիմնական տարածքը: Սակայն նրա մահից հետո տերությունը տրոհվեց երեք մասի, որոնց հիման վրա ձևավորվեցին ներկայիս Ֆրանսիան, Իտալիան և Գերմանիան:

❖ *Ո՞ւմ էին անվանում «ծուլ» թագավորները: Կարլոս Մեծը է՞րբ և ո՞ւմ կողմից թագադրվեց կայսերական թագով: Ինչո՞ւ նրա տերությունը արագ փրոհվեց: Ի՞նչ է Կարոլինգյան վերածնունդը:*

6. Որոշ ժամանակ բուն գերմանական հողերի մի մասը մտնում էր Կարլոս Մեծի կայսրության կազմի մեջ: Վերդենի դաշնագրով այդ հողերը բաժին հասան Կարլոս Մեծի թոռ Լյուդովիկոսին: Շուտով առաջացավ Գերմանական պետությունը: Նորաստեղծ պետությունը հավակնում էր դառնալու Արևմտահռոմեական կայսրության ժառանգորդը:

❖ *Ո՞վ էր Գերմանական պետության առաջին թագավորը: Ո՞ւմ ջանքերով հզորացավ Գերմանական պետությունը: Ինչպե՞ս կոչվեց նրա սրբեղծած տերությունը:*

7. Սկանդինավյան թերակղզու բնակիչները՝ նորվեգացիները, դանիացիները և շվեդները, որոնց անվանում էին նորմաններ (վիկինգներ), IX–XI դդ. ձեռնամուխ եղան նոր տարածքների նվաճմանը: Նույն ժամանակաշրջանում մի շարք պետություններ ստեղծեցին նաև սլավոնները:

ՄԻՋԻՆ ԴԱՐԵՐ

Ներկայիս Հունգարիայի տարածքում հաստատված քոչվոր հունգարները նույնպես հիմնեցին իրենց թագավորությունը: Այսպիսով՝ IX–XI դդ. Եվրոպայում առաջացան մի շարք նոր պետություններ, որոնք մինչ օրս գոյություն ունեն:

❖ *Ո՞ր տարածքներում պետություններ հիմնեցին վիկինգները: Թվարկե՞ք սլավոնական ժողովուրդներ և պետություններ՝ ըստ նրանց երեք ճյուղերի: Երբ է առաջացել Հունգարական թագավորությունը:*

8. Վաղ միջնադարում արևելյան սլավոնները նախնադարից անցում կատարեցին ավատատիրական կարգերին: Ստեղծվեց միասնական պետություն՝ Հին Ռուսիան: Այն կարևոր դեր խաղաց արևելյան սլավոնների քաղաքական և կրոնական համախմբման գործում: Կիևյան Ռուսիան Յարոսլավ Իմաստունի օրոք դարձավ ժամանակի ուժեղ պետություններից մեկը: Հին ռուսական պետության տարածքում են ձևավորվել ժամանակակից երեք սլավոնական ժողովուրդները՝ ռուսները, ուկրաինացիները և բելառուսները:

❖ *Ինչպե՞ս, երբ և ո՞վ ստեղծեց Հին Ռուսիա պետությունը: Ինչի՞ շնորհիվ Ռուսիան ճանաչում գրավեց եվրոպական պետությունների կողմից: Ինչո՞ւ են Մեծ Իշխան Յարոսլավին անվանել Իմաստուն: Փորձե՞ք բնութագրել Յարոսլավ Իմաստունին: Ձեզ հայտնի պատմական ո՞ր կերպարների հետ կարող եք նրան համեմատել:*

§ 9. ԱՎԱՏԱՏԻՐԱԿԱՆ ՀԱՍԱՐԱԿՈՒԹՅՈՒՆԸ

ԱՎԱՏԱՏԻՐՈՒԹՅԱՆ ԱՌԱՋԱՑՈՒՄԸ

Հին հասարակությունում հողի գերագույն սեփականատերը թագավորն էր: *Միջնադարում փիրապեպոդ դարձավ հողի խոշոր մասնավոր սեփականությունը*: Հողային սեփականության այդ ձևը ստացավ ավատատիրություն անվանումը:

Զինվորական և պետական ծառայություն կատարելու դիմաց թագավորը հողեր էր բաժանում ծառայողներին: Այդ հողաբաժինը կոչվում էր *ավապ*: Այստեղից էլ *առաջացել են ավապապեր* և *ավապապիրություն* անվանումները:

Հող բաժանողը կոչվում էր *սենյոր (պեր)*, իսկ *հող սրացողը՝ վասալ (ենթակա, ծառա)*:

Խոշոր ավապապերերը (դուքս, կոմս, բարոն) այդ հողատարածքը՝ դրանում ապրող գյուղացիներով, իրենց հերթին բաժանում էին իրենց մոտ ծառայություն կատարող մարդկանց:



Ավապապերը կարգադրություններ է անում աշխատող գյուղացիներին: Միջնադարյան մանրանկար

ՄԻՋԻՆ ԴԱՐԵՐ



ԹԻԳԼԿՈՐ



ԴՈՒՔՍ



ԿՈՍՍ



ԲԱՐՈՆ



ԱՍՊԵՏ

Ավարապիրական
սասրիճանակարգություն

Ասրիճանարար ավարը դարձավ ժառանգական: Այս դեպքում վասալի որդին պարտավորվում էր կատարել նույն ծառայությունը, որի համար հող էր ստացել իր հայրը:

Առաջացավ նաև **վանքապարկան հողապիրությունը:** Եկեղեցին նույնպես դարձավ խոշոր ավատատեր: Եվրոպական շատ երկրներում բարձրաստիճան հոգևորականները զբաղեցնում էին պետական պաշտոններ: Իսկ հոգևորականները նաև զինվորական ծառայություն էին կատարում:

Գոյություն ուներ նաև հնուց եկող **գյուղական համայնքային հողապիրությունը:**

Այսպես՝ **ավարապիրական հասարակության երեք գլխավոր դասերը կազմեցին ավարապիրները, հոգևորականները և գյուղացիները:**

ԱՍՏԻՃԱՆԱԿԱՐԳՈՒԹՅՈՒՆԵՐ

Ավատական **հողապիրության հիմքի վրա ձևավորվեց իշխանության սասրիճանակարգությունը:** Ենթակայության համակարգը հետևյալ տեսքն ընդունեց.

Պետության գլխավորը **թագավորն** էր, որն էլ գտնվում էր **սասրիճանակարգի վերևում:** Նրանից ներքև՝ հաջորդ աստիճանը զբաղեցնում էին թագավորի վասալները՝ **դուքսերը:** Ապա՝ ըստ հերթականության զբաղեցնում էին **կոմսերը, բարոնները և սապերները** (տես գծապատկերը):

Եվրոպական երկրներում, բացի Անգլիայից, գործում էր ենթակայության հետևյալ սկզբունքը՝ **«Իմ վասալի վասալը՝ իմ վասալը չէ»:**

ՀՈՂԸ ՄՇԱԿՈՂՆԵՐԸ. ԳՅՈՒՂԱԿԱՆ ՀԱՄԱՅՆՔԸ

Միջնադարում *յնտեսության գլխավոր ճյուղը գյուղատնտեսությունն էր*: Հողը մշակում էին գյուղացիները: *Աշխատանքային նոր գործիքների* (երկաթե արոք, գութան) և *հողի մշակման եռադաշտային համակարգի* կիրառումը ավելի արդյունավետ դարձրին գյուղացու աշխատանքը:

Գյուղացին պարտավոր էր տարվա մի մասն աշխատել ավատատիրոջ համար (մշակել նրա հողը) կամ նրան հարկ վճարել ստացված բերքից: Նա հարկ էր վճարում նաև պետությանը:

ԱՍՊԵՏՈՒԹՅՈՒՆ

Ասպետ բառը ծագել է ասպ՝ «ծի», արմատից և սկզբնապես նշանակել է ձիավոր, հեծյալ: Միջնադարյան Արևմտյան Եվրոպայում ասպետությունը ռազմավատատիրական խավ էր: Ասպետ չէին ծնվում, այլ դառնում էին օժանդակ միջոցով: Օժվելուց հետո ասպետը դառնում էր որևէ հողատեր-ազնվականի վասալը, ստանում էր հողաբաժին և ներառվում ավատատիրական խավի մեջ:

Ասպետությունը ձևավորվեց Ֆրանսիայում VIII դարում, այնուհետև տարածվեց մյուս երկրներում:

Ասպետի գլխավոր առանձնահատկությունը առատաձեռնությունն էր: Հարստությունը ինքնանպատակ գործ չէր, այլ ձեռք էր բերվում հետագայում ծախսերու համար: Ասպետի հիմնական գրադմունքը պատերազմները, որսորդությունը և ասպետական մրցումներն էին: Նա չէր զբաղվում իր տնտեսությամբ, հակված չէր քնտանեկան կյանքի: Սակայն արդեն XII դարում էապես փոխվում է ասպետի կերպարը. կոպիտ կիսագրագետին փոխարինելու է գալիս կրթված, գեղագիտական հակումներով, արդարադատ, անձնագոհ, բարեկիրթ վարվելակերպով ասպետը:



ՄԻՋԻՆ ԴԱՐԵՐ

Միջնադարյան դղյակ՝
հարակից հողատարածքներով,
որտեղ գյուղացիները փարվա
ընթացքում սահմանված բանակի
օրերով աշխատում էին փիրոջ
համար:



Գյուղական բնակչության կյանքի կազմակերպման հիմնական ձևը համայնքն էր: Համայնքը ղեկավարելու համար չափահաս տղամարդկանց ժողովն ընտրում էր **փանուրեր:** Առավել կարևոր հարցերը լուծում էր **համայնքի ընդհանուր ժողովը:**

Ավատատերը իրավունք չունեի մահապատժի ենթարկելու իր գյուղացիներին: Նա հովանավորում և պաշտպանում էր նրանց:

ՄԻՋՆԱԴԱՐԻ ՔԱՂԱՔՆԵՐԸ

Միջնադարում աստիճանաբար **վերելք սպրեցին առևտուրը և արհեստները:** Դա նպաստեց բազմաթիվ նոր քաղաքների առաջացմանը և հների աճին:

Հայտնի դարձան *Ջենովան, Վենետիկը, Մարսելը, Միլանը, Փարիզը*:

Սովորաբար քաղաքների բնակչությունը կազմում էր 10 000–50 000 մարդ: Շատ քիչ քաղաքներ ունեին 50 հազարից ավելի բնակչություն: Իրանցից էին *Կուսրանդնուպոլիսը, Կորդովան, Փարիզը*:

ՀԱՄՔԱՐՈՒԹՅՈՒՆՆԵՐ

Քաղաքում միևնույն մասնագիտության արհեստավորները միավորվում էին հատուկ կազմակերպության մեջ: Այն կոչվում էր *համքարություն (արհեստակցություն)*:

Համքարության կանոնադրությունը սահմանում էր արհեստավորի արտադրած ապրանքի չափը, քանակը և որակը: *Համքարության անդամ կարող էին լինել միայն վարպետները*: Նրանք էին ընտրում համքարության ղեկավարին: *Յուրաքանչյուր վարպետ ուներ իր արհեստանոցը*: Վարպետին օգնում էին ենթավարպետները և աշակերտները:

Առևտրականները ևս ունեին իրենց կազմակերպությունը: Այն կոչվում էր *գիլդիա (առևտրամիություն)*:



Արհեստանոցներ

ՄԻՋԻՆ ԴԱՐԵՐ

Հարցեր և առաջադրանքներ

1. Ինչ է ավատը:
2. Ո՞վ էր կոչվում սենյոր, իսկ ո՞վ՝ վասալ:
3. Ե՞րբ էր ավատը դառնում ժառանգական:
4. Ինչ է վանքապատկան հողատիրությունը: Ինչ ծառայություններ էին կատարում հոգևորականները:
5. ԹՎարկե՞ք ավատատիրական հասարակության երեք գլխավոր դասերը:
6. Գծապատկերի օգնությամբ բացատրե՞ք ավատատիրական աստիճանակարգությունը: Ովքե՞ր էին ասպետները:
7. Ովքե՞ր էին միջնադարում մշակում հողը: Ներկայացրե՞ք գյուղական հանայնքը:
8. ԹՎարկե՞ք միջնադարի եվրոպական հայտնի քաղաքներ: Հայաստանի այդ ժամանակի ի՞նչ հայտնի քաղաքներ գիտեք:
9. Ինչ է համքարությունը: Ներկայացրե՞ք դրա կառուցվածքը և գործառույթները:
10. Ինչ էր կոչվում առևտրականների միությունը:

Նոր հասկացություններ, անուններ, արտահայտություններ

Ավատ, ավատատիրական աստիճանակարգություն, սենյոր, վասալ, ասպետ, տանուտեր, Ջենովա, Վենետիկ, Մարսել, Միլան, Փարիզ, համքարություն (արհեստակցություն), գիլդիա (առևտրամիություն), «Իմ վասալի վասալը իմ վասալը չէ»

§ 10. ԽԱՉԱԿՐԱՑ ՇԱՐԺՈՒՄԸ

ՇԱՐԺՄԱՆ ԱՌԱՋԱՑՈՒՄԸ

1095 թ. *Ֆրանսիայի Կլերմոնն քաղաքում Ուրբանոս II պապը* հավատացյալներին կոչ արեց արշավելու դեպի *Երուսաղեմ և անհավաստներից փրկելու Հիսուս Քրիստոսի գերեզմանը*: Պապի խոսքերը մեծ տպավորություն գործեցին ներկաների վրա: Նրանք անմիջապես սկսեցին խաչեր կարել իրենց հագուստներին: Սրանից էլ առաջացել է արշավանքի մասնակիցների անվանումը՝ *խաչակիրներ*:

Բացի քրիստոնեական սրբավայրերի ազատագրումից՝ շարժման կազմակերպիչները և *մասնակիցներն ունեին նաև շահադիպական նպատակներ*: Նրանք ցանկանում էին հարստանալ Արևելքի երկրների հաշվին:

Իսկ կաթուղիկ եկեղեցին ցանկանում էր իր իշխանությունը հաստատել Արևելքի եկեղեցիների վրա:

ԽԱՉԱԿՐԱՑ ԱՌԱՋԻՆ ԱՐՇԱՎԱՆՔԸ

1096 թ. *սկսվեց խաչակիրների առաջին արշավանքը*: Գարնանը ճանապարհ ընկան գյուղացիներից կազմված ջոկատները: Հասնելով Կոստանդնուպոլիս՝ նրանք չսպասեցին ասպետների ժամանմանը և անցան Բոսֆորի նեղուցը: Սակայն *Նիկեա քաղաքի մոտ սելջուկները ջախջախեցին գյուղացիական ջոկատները*:

1096 թ. դեկտեմբերին Կոստանդնուպոլիս հասան *ասպետական ջոկատները* և շարունակեցին երթը դեպի Սուրբ երկիր: *Կիլիկի-*



Ուրբանոս II պապը Կլերմոննի ժողովում ասաց. «Երկիրը, որտեղ բնակվում եք դուք, բոլոր կողմերից սեղմված է ծովով ու լեռնաշղթաներով, և դրա համար էլ այժմ նեղ է դարձել ձեր բազմամարդության պատճառով, հարստություններով այն առատ չէ և հազիվ է հաց հասցնում իր մշակողներին: Դրանից էլ տեղի է ունենում այն, որ դուք կրծում ու խժռում եք միմյանց, պատերազմներ մղում ու մահացու վերքեր հասցնում: Իսկ այժմ կարող է դադար առնել ձեր ատելությունը... Ճամփա՛ ընկեք դեպի սուրբ գերեզմանը, խլեք այդ երկիրը անհավատներից և ձերը դարձրեք: Այդ հողում «մեղք ու կարագ է հոսում»: Երուսաղեմը երկրիս ամենաբարեբեր մարգարիտն է»:

Խաչակրաց արշավանքները



այով անցնելիս՝ նրանց մեծ օգնություն ցույց տվեցին փեղի հայերը:

Խաչակիրների առաջնորդներից Բալդուինը 1098 թ. խաբեությամբ մտավ Եդեսիա: Նա դավադրաբար սպանեց քաղաքի հայազգի կառավարչին՝ Թորոս Կյուրապատասխին: Այստեղ Բալդուինը ստեղծեց խաչակրաց առաջին պետությունը՝ Եդեսիայի կոմսությունը:

Նույն թվականին խաչակիրները գրավեցին Անտիոք քաղաքը և ստեղծեցին Անտիո-

քի դքսությունը: Իսկ 1099 թ. նրանք գրավեցին **Երուսաղեմը:** Խաչակիրները գրաված տարածքներից ստեղծեցին **Երուսաղեմի թագավորությունը:** Դրա մեջ էին մտնում Անտիոքի դքսությունը, Եդեսիայի և Տրիպոլիի կոմսությունները:

Խաչակրաց թագավորության պաշտպանության նպատակով հիմնվեցին **հոգևոր-ասպետական միաբանություններ:** Դրանցից առաջինը **Հիվանդահանամների** միաբանությունն էր: Այնուհետև ստեղծվեցին **Տանտրականների** և **Տկրոնական** միաբանությունները:

Դրանց անդամները միաժամանակ վանականներ էին և ասպետներ: Նրանք երդվում էին չամուսնանալ, կաթոլիկություն տարածել և մարտնչել մուսուլմանների դեմ:

*Երուսաղեմի գրավումը
խաչակիրների կողմից, 1099 թ.*





Սալահ ադ Դին

ԵՐԵՔ ԽԱՉԱԿԻՐ ԱՐՔԱՆԵՐԸ

Խաչակիրների դրությունը Արևելքում ծանրացավ, երբ *Եգիպտոսում* իշխանության եկավ *Սալահ ադ Դինը*: Նրա պապը ծնվել էր Հայաստանում: Դառնալով Եգիպտոսի տիրակալ՝ Սալահ ադ Դինը կարճ ժամանակամիջոցում գրավում է Ասորիքի և Միջագետքի մի մասը: Նա որոշում է խաչակիրներից *հեղ գրավել Երուսաղեմը*, քանի որ մուսուլմանները ևս այն համարում էին իրենց սուրբ քաղաքը:

Սալահ ադ Դինը 1187 թ. պարտության մատնեց խաչակիրներին և *հասավ իր նպատակին*:

Երուսաղեմի անկման լուրը ցնցեց քրիստոնյա Եվրոպան: *Եվրոպացիները նախապատրաստվեցին նոր արշավանքի*: Այն գլխավորեցին գերմանական կայսր *Ֆրիդրիխ I Բարբարոսան*, Անգլիայի թագավոր *Ռիչարդ I Առյուծասիրտը* և Ֆրանսիայի թագավոր *Ֆիլիպ II Օգոստոսը*:

1189 թ. սկսվեց խաչակրաց երրորդ արշավանքը: Հենց սկզբից այն անհաջող ընթացք ունեցավ: 1190 թ. Կիլիկիայի գետերից մեկն անցնելիս *Ֆրիդրիխ I-ն ընկավ ջուրը և խեղդվեց*: Գերմանացի խաչակիրները վերադարձան:

Ժամանելով Սուրբ երկիր՝ *Ֆիլիպ II-ը գրավեց Ակրա քաղաքը*, որը դարձավ *Երուսաղեմի թագավորության մայրաքաղաքը*: Շուտով *Ֆիլիպ II-ը վերադարձավ Ֆրանսիա*: Մնալով միայնակ՝ *Ռիչարդը Սալահ ադ Դինի հեղ 1192 թ. կնքեց հաշտության պայմանագիր*: Եվրոպայի ուխտավորները հնարա-

վորությունն ստացան անարգել այցելելու սուրբ վայրեր:

ԽԱՉԱԿՐԱՑ ՇԱՐԺՄԱՆ ՀԵՏԵՎԱՆՔՆԵՐԸ

Երեք արքաների արշավանքից հետո խաչակրաց շարժումը անկում ապրեց: Հաջորդ հինգ արշավանքները Էական հաջողություն չբերեցին: *1291 թ. մուսուլմանները գրավեցին խաչակիրների վերջին հենակետը Ակրան: Այսպես ավարտվեց խաչակրաց շարժումը:*

Խաչակրաց արշավանքներն *ունեցան նաև դրական հետևանքներ: Եվրոպացիները մոտիկից ծանոթացան արևելյան մշակույթին և յուրացրին դրա շատ արժեքներ: Երանք սովորեցին կառուցել ավելի որակյալ նավեր, ճշգրիտ գծել քարտեզներ, օգտագործել մագնիսական կողմնացույցներ:*

Արշավանքների հետևանքով Արևմուտք-Արևելք փոխհարաբերությունները սերտացան և դարձան մշտական:

Հարցեր և առաջադրանքներ

1. Հռոմի պապ Ուրբանոս II-ը էրբ և որտեղ Երուսաղեմը գրավելու կոչ արեց:
2. Բացատրե՛ք «խաչակիր» հասկացությունը:
3. Որո՞նք էին խաչակրաց շարժման պատճառները: Թվարկե՛ք դրանք:
4. Երբ է սկսվել խաչակրաց առաջին արշավանքը: Ի՞նչ քաղաքներ գրավեցին խաչակիրները: Թվարկե՛ք խաչակրաց պետությունները:
5. Ի՞նչ է հոգևոր-ասպետական միաբանությունը: Թվարկե՛ք Արևելքում առաջացած հոգևոր-ասպետական միաբանությունները:
6. Ո՞վ էր Սալահ ադ Դինը: Ի՞նչ արդյունքների հասավ նա խաչակիրների դեմ պայքարում:
7. Ո՞ր իրադարձությունը պատճառ դարձավ խաչակրաց երրորդ արշավանքի համար: Երբ է այն սկսվել, և ովքե՞ր գլխավորեցին այդ արշավանքը: Ի՞նչով ավարտվեց այն:
8. Երբ է ավարտվել խաչակրաց շարժումը: Որո՞նք էին շարժման դրական հետևանքները:

Քննարկման հարց

Ձեր կարծիքով ճիշտ էր խաչակրաց արշավանքների գլխավոր նպատակը:

Նոր հասկացություններ, անուններ, արտահայտություններ

Կլերնոն, Ուրբանոս II, խաչակիր, Բալդուին, Եդեսիայի կոմսություն, Անտիոքի դքսություն, Երուսաղեմի թագավորություն, հոգևոր-ասպետական միաբանություններ, Սալահ ադ Դին, Ֆրիդրիխ I Բարբարոսա, Ռիչարդ I Առյուծասիրտ, Ֆիլիպ II Օգոստոս, Ակրա

§ 11. XIII ԴԱՐԻ ՆՇԱՆԱՎՈՐ ՏԻՐԱԿԱԼՆԵՐԸ

ՊԱՊԱԿԱՆՈՒԹՅՈՒՆԸ ՀԶՈՐՈՒԹՅԱՆ ԳԱԳԱԹՆԱԿԵՏԻՆ

XIII դարի սկզբին Հռոմի պապերի իշխանությունն աննախադեպ վերելք ապրեց: Դա կապված էր *Ինոկենտիոս III պապի (1198–1216)* գործունեության հետ:

Ինոկենտիոս III պապը փայլուն կրթություն էր ստացել: Նա *Փարիզում սովորել էր աստվածաբանություն, իսկ Բոլոնիայի համալսարանում՝ հռոմեական իրավունք*: Նրա կարծիքով՝ Հռոմի պապի իշխանությունը բարձրագույն իշխանություն է, քանի որ տրված է Աստծո կողմից:

Նա համարում էր, որ պապը Քրիստոսի փոխանորդն է երկրի վրա: Այդ պատճառով բոլոր կայսրերը և թագավորները պետք է



Ինոկենտիոս III

ենթարկվեն Հռոմի պապին: Օրինակ՝ նրան էին ենթարկվում Անգլիայի, Պորտուգալիայի, Լեհաստանի, Դանիայի և Շվեդիայի թագավորները: Կաթոլիկությունը նաև եվրոպական երկրների եկեղեցիները պարտավոր էին հարկեր վճարել պապական արքունիքին:

Ինոկենտիոս III-ը կազմակերպեց խաչակրաց չորրորդ արշավանքը:

ԼՈՒՍԱՎՈՐՅԱԼ ՄԻԱՊԵՏԸ

Ֆրիդրիխ II-ը Ֆրիդրիխ I Բարբարոսայի թոռն էր: Մանուկ հասակում նրա խնամակալությունը տրվել էր Ինոկենտիոս III պապին: *Ֆրիդրիխ II-ը փայլուն կրթություն ստացավ, գիտեր հունարեն և արաբերեն:* Նա գիտական երկեր էր գրում լատիներենով, իսկ բանաստեղծություններ՝ իտալերենով: Նրա արքունիքում աշխատում էին հույն, հրեա և արաբ գիտնականներ: *Նեապոլ քաղաքում նա հիմնադրեց համալսարան:*

Ֆրիդրիխ II-ը մորից ժառանգել էր Սիցիլիական թագավորությունը: Ինոկենտիոս III-ի ջանքերով նա ընտրվեց նաև Գերմանիայի թագավոր: Ավելի ուշ՝ 1220 թ., նա դարձավ Սրբազան հռոմեական կայսրության կայսր:

1228 թ. Ֆրիդրիխ II-ը կազմակերպեց խաչակրաց VI արշավանքը: Ռազմական գործողություններ վարելու փոխարեն նա Եգիպտոսի սուլթանի հետ համաձայնագիր ստորագրեց: *Երուսաղեմը, Նազարեթը և Բեթղեհենը ժամանակավորապես վերադարձվեցին քրիստոնյաներին:*



Սրբազան հռոմեական կայսրության կայսր Ֆրիդրիխ II

ԱՐԴԱՐՈՒԹՅԱՆ ԵՎ ԽԱՂԱՂՈՒԹՅԱՆ ՊԱՇՏՊԱՆԸ

Ավանդության համաձայն՝ ամեն օր *Ֆրանսիայի թագավոր Լյուդովիկոս IX-ը* դուրս էր գալիս պալատից, նստում կաղնու տակ և *արդարորեն դապրում նրանց, ովքեր դիմել էին իրեն...*

Նրա օրոք Ֆրանսիայում *անհասկանալի թագավորական իշխանությունը*: Թագավորական խորհրդից առանձնացավ *Փոքր խորհուրդը*: Այն դարձավ մշտական գործող խորհրդակցական մարմին: Խորհրդի մի մասն էլ կոչվեց *Փարիզի խորհրդարան* և վերածվեց *բարձրագույն դատական սպայանի*: Իսկ խորհրդի այն մասը, որը զբաղվում էր ֆինանսներով, կոչվեց *Հաշվային պալատ*: Այն վերահսկում էր հարկերի գանձումը և ծախսերը:

Թագավորական տիրույթում արգելվեցին ավատատերերի միջև տեղի ունեցող պատերազմները: *Մտցվեց «Արքայի 40 օր» կոչվող օրենքը*: Բախման մեջ հայտնված կողմերը քառասուն օրվա ընթացքում պետք է դիմեին թագավորին: Պատերազմել կարող էին միայն այն դեպքում, երբ թագավորի միջնորդությունից հետո էլ չէին հաշտվում: Արգելվեց վեճերի լուծումը մենամարտերի միջոցով:

Ժամանակակիցների համար Լյուդովիկոսի գահակալությունը (1226–1270) օրինակելի կառավարման ժամանակաշրջան էր: *Պարսիական չէ, որ մահվանից քսան տարի անց նա դասվեց արքերի շարքը*:



Լյուդովիկոս IX Սուրբ

Ֆրանսիայի թագավոր Կապետինգների արքայատոհմից: Կատարեց ռազմական, դրամական և դատական բարեփոխումներ:

Լյուդովիկոսը կազմակերպեց խաչակրաց 7-րդ և 8-րդ արշավանքները: 7-րդ արշավանքի ժամանակ նա գերվեց Եգիպտոսի սուլթանի կողմից և մեծ փրկագնի դիմաց ազատ արձակվեց: Նա աչքի էր ընկնում կրոնասիրությամբ, որի պատճառով ստացավ «Մուրբ» պատվանունը:

Լյուդովիկոսը մահացավ ժանտախտից Թունիսում խաչակրաց 8-րդ արշավանքի ժամանակ:

ՄԻՋԻՆ ԴԱՐԵՐ

Հարցեր և առաջադրանքներ

1. Ո՞ւմ անվան հետ է կապված պապականության հզորացումը XIII դ. սկզբին:
2. Ինոկենտիոս III-ի կարծիքով Հռոմի պապի իշխանությունը գերագահ էր աշխարհիկ իշխանության նկատմամբ: Ինչպե՞ս էր նա հիմնավորում իր տեսակետը:
3. Ո՞վ էր Ֆրիդրիխ II-ը: Ե՞րբ է նա դարձել Սրբազան հռոմեական կայսրության կայսր:
4. Ի՞նչ համաձայնագիր ստորագրեց Ֆրիդրիխ II-ը Եգիպտոսի սուլթանի հետ:
5. Ի՞նչ էր կոչվում Լյուդովիկոս IX-ի ստեղծած մշտական խորհրդակցական մարմինը:
6. Ի՞նչ գործառույթներ էին իրականացնում «Փարիզի խորհրդարանը» և «Հաշվային պալատը»:
7. Պարզարանե՞ք «Արքայի 40 օր» օրենքի բովանդակությունը և նշանակությունը:

Իմ քային աշխատանք

XIII դարի երեք տիրակալներից ո՞ւմ եք համակրում: Հիմնավորե՞ք ձեր ընտրությունը:

Նոր հասկացություններ, անուններ, արտահայտություններ

Ինոկենտիոս III, Ֆրիդրիխ II, Սիցիլիական թագավորություն, Լյուդովիկոս IX, Փոքր խորհուրդ, Փարիզի խորհրդարան, Հաշվային պալատ, թագավորական տիրույթ, «Արքայի 40 օր»

§ 12. ՔՐԻՍՏՈՆԵԱԿԱՆ ԵԿԵՂԵՑԻՆ XI-XIII ԴԱՐԵՐՈՒՄ

ԵԿԵՂԵՑՈՒ ՊԱՌԱԿՏՈՒՄԸ

Հռոմի պապերը և Կոստանդնուպոլսի պատրիարքները դարեր շարունակ մրցում էին Եվրոպայի և Արևելքի բոլոր եկեղեցիների նկատմամբ գերիշխանություն հաստատելու համար: *Պայքարը բարձրակետին հասավ 1054 թվականին՝ Հարավային Իտալիայի եկեղեցիների պատկանելության շուրջ ծագած վեճի պատճառով:*

Հռոմի պապ Լևոն IX-ի ներկայացուցիչները ժամանեցին Կոստանդնուպոլիս: Ս. Սոֆիայի տաճարում տեղի ունեցող արարողության ժամանակ նրանք հայտարարեցին պապի որոշումը՝ *պատրիարք Միքայելի բանադրության և եկեղեցուց վտարվելու մասին:* Վերջինս չհապաղեց և նույնը հայտարարեց Հռոմի պապի նկատմամբ:

Դրանից հետո *երկու եկեղեցիները խզեցին կապերը: Այսպես առաջացան կաթոլիկ և ուղղափառ եկեղեցիները:* Միայն ինը դար անց՝ 1965 թ., Վատիկանի ժողովում երկու եկեղեցիների ղեկավարները համաձայնեցին մոռացության տալ փոխադարձ բանադրանքները:

ՀԵՐԵՏԻԿՈՍՆԵՐ

Պաշտոնապես ընդունված հավատքի կանոններից որևէ շեղում թույլ տրվողներին եկեղեցին համարում էր հերետիկոս: Հերետիկոսական շարժումները (աղանդներ) *մեծ պարածում ստացան XII-XIII դարերում:* Այդ ժամանակաշրջանի ամենատարածված աղանդներից էին *կապարները և վալդենսները:*



Լևոն IX պապ

ՄԻՋԻՆ ԴԱՐԵՐ



Բնկվիզիցիա

Նրանք լայն գործունեություն էին ծավալել Ֆրանսիայի հարավում:

Հերետիկոսները մերժում էին խաչի պատանուները, հոգևորականների անհրաժեշտությունը, մարդու մեղսածին լինելու և եկեղեցու միջնորդությամբ փրկվելու գաղափարը:

Եկեղեցու դեմ ուղղված որևէ շարժում ուրնձգություն էր համարվում պետության հանդեպ, ու դրա դեմ անխնա պայքար էր մղվում:

ԻՆԿՎԻԶԻՑԻԱ (ՀԱՎԱՏԱՔՆՆՈՒԹՅՈՒՆ)

Պապականությունը հասկանում էր, որ միայն զենքով հնարավոր չէ արմատախիլ անել հերետիկոսական գաղափարները: «Կեղծ ուսմունքների դեմ» պայքարելու նպատակով *1215 թ. սրեղծվեց ինկվիզիցիան:*



Պիեռ Վարդոյի արձանը
Գերմանիայում

Վարդենաների աղանդի հիմնադիրն էր Լիոն քաղաքի հարուստ վաճառական Պիեռ Վարդոն: Նա հրաժարվեց իր ամբողջ ունեցվածքից՝ այն բաժանելով չքավորներին: Նա քարոզում էր, որ հոգևորականները դարձել են «ձրի վայելողներ», ուստի անհրաժեշտ է վերացնել եկեղեցին:

Հարավային Ֆրանսիայում տարածված կատարների (կատար՝ մաքուր) և վարդենաների դեմ պայքարելու համար Բնուկենտիոս III պապը կազմակերպեց խաչակրաց արշավանք: Խաչակիրները չէին խնայում նույնիսկ կանանց և երեխաներին: Երբ արշավանքի մասնակիցները պապի ներկայացուցչին հարցրին, թե ինչպես տարբեր են հերետիկոսներին կաթոլիկներից, նա պատասխանեց. «Բոլորին կոտորեք: Տերը յուրայիններին կճանաչի»:

Այն *հապուկ դապարան* էր, որը հետաքննում էր միայն հերետիկոսների գործերը: Ինկվիզիցիայի դատարանները անմիջապես ենթարկվում էին Հռոմի պապին: Հետաքննության ընթացքում դաժանաբար տանջում և խոշտանգում էին մարդկանց:

Ինկվիզիցիան հապկապես լայն գործունեություն ծավալեց Իսպանիայում և Իտալիայում:

«ՄՈՒՐԱՅԻԿ» ՄԻԱԲԱՆՈՒԹՅՈՒՆՆԵՐԸ

Հերետիկոսների դեմ արդյունավետ պայքարելու համար *կաթոլիկ եկեղեցին սրեղծեց նաև* այսպես կոչված «*մուրացիկ*» *միաբանություններ:*

Իտալացի *Ֆրանսիսկ Ասիզցին*, ծանոթանալով վաղենական գաղափարներին, հրաժարվում է ընտանիքից, ունեցվածքից և իրեն նվիրում է աղոթքների ու քարոզչության: Նա իր կողմնակիցներից պահանջում էր, որ նրանք հրաժարվեն ունեցվածքից և ապրեն սեփական աշխատանքով: *Մուրացիկ վանականները մեծ հարգանք ձեռք բերեցին ժողովրդի մեջ:*

Ինկենտրիոս III պապը հասկացավ, որ կարող է նրանց օգտագործել եկեղեցու խախտված հեղինակությունը բարձրացնելու համար: Նրա ջանքերով *սրեղծվեց Ֆրանսիսկյան միաբանությունը*: Սրբերի շարքին դասված Ֆրանսիսկ Ասիզցին համարվում է Իտալիայի հովանավոր սուրբը:

Մյուս «մուրացիկ» միաբանությունը կոչվում էր *Գոմինիկյան*: *Հիմնադիրը իսպանացի Գոմինիկ դե Գուամանն էր*: Նա հասկացել էր, որ հերետիկոսների դեմ քարոզա-



Գոմինիկ դե Գուաման

Միջնադարյան մանրանկար, որտեղ պատկերված է Ինոկենտիոս III պապը: Նրան փեսիչ է երևում, թե ինչպես է Տրանսիսկ Ասիզցին պահում երեքսցող եկեղեցին:



կան պայքար սղելու համար անհրաժեշտ են մաքրաբարո, բանիմաց և կրթված քարոզիչներ: Այս նպատակով նա կազմակերպեց քարոզիչների միաբանություն: Միաբանության զինանշանի վրա պատկերված էր երախում ջահ բռնած շուն: Դա կապված էր **Դոմինիկ անվան բառախաղի** հետ: Լատիներեն այն նշանակում է **«Տիրոջ գամիտ»**:

Այս միաբանությունները որոշ չափով բարձրացրին եկեղեցու հեղինակությունը:

Հարցեր և առաջադրանքներ

1. 1054 թվականին ինչո՞ւ պառակտվեց քրիստոնեական եկեղեցին:
2. Ե՞րբ են կաթոլիկ և ուղղափառ եկեղեցիների ղեկավարները հանել փոխադարձ բանադրանքները:
3. Ի՞նչ է հերետիկոսը: Հերետիկոսական ի՞նչ շարժումներ կարող եք նշել:
4. Ինչո՞ւ էին պետությունը և եկեղեցին անխնա պայքարում հերետիկոսների դեմ:
5. Ե՞րբ է հիմնադրվել ինկվիզիցիան և ի՞նչ նպատակով: Ո՞ր երկրներում էր տարածված ինկվիզիցիան:
6. Ո՞վ էր Ֆրանսիսկ Ասիզցին:
7. ԹՎարկե՞ք հայտնի «մուրացիկ» միաբանությունները: Ի՞նչ դեր էին խաղում դրանք:

Նոր հասկացություններ, անուններ

1054 թ. պառակտում, հերետիկոս, կատարներ, վալդենսներ, ինկվիզիցիա, Ֆրանսիսկյան և Դոմինիկյան «մուրացիկ» միաբանություններ, Ֆրանսիսկ Ասիզցի, Դոմինիկ դե Գուսման

§ 13. ԿՐԹՈՒԹՅՈՒՆԸ ԵՎ ԳԻՏՈՒԹՅՈՒՆԸ

ՄԻՋՆԱԴԱՐՅԱՆ ԳՊՐՈՑՆԵՐ

Վաղ միջնադարում *դպրոցները հիմնականում գործում էին վանքերին ու եկեղեցիներին կից*: Դրանց նպատակը կրթված հոգևորականներ պատրաստելն էր:

Աշակերտները նախ սովորում էին գրել և կարդալ, ապա սկսվում էր *«յոթ ազատ արվեստների»* ուսուցումը: Դրանք էին՝ *քերականությունը, տրամաբանությունը, ճարտասանությունը, թվարանությունը, երկրաչափությունը, երաժշտությունը, աստղագիտությունը*: Ուսուցման լեզուն լատիներենն էր:

XII–XIII դարերում Եվրոպայի տնտեսական և մշակութային կյանքը առաջընթաց էր ապրում: Զարգանում էին արհեստները, առևտուրը և քաղաքները: *Հասարակությունը նոր մասնագետների կարիք ուներ*:

Եվրոպացիները ծանոթացան բյուզանդական և արևելյան (մասնավորապես՝ արաբական) կրթական համակարգի հետ:

*Միջնադարյան դպրոց,
XIV դար*



*Քաղաքներում բացվում էին դպրոցներ, որ-
տեղ ուսուցանում էին նաև աշխարհիկ գիտե-
լիքներ, պատրաստում մասնագետներ:*

ՀԱՄԱԼՍԱՐԱՆՆԵՐ

Եվրոպայում հնագույնը *Բոլոնիայի հա-
մալսարանն* է: Այն *հիմնադրվել է XI դարում:*
Հետո բացվել են *Փարիզի, Օքսֆորդի, Քենթ-
րիջի* համալսարանները: Արդեն *XIV դարում*
Եվրոպայում կար շուրջ 60 համալսարան:

XI դարից *Հայաստանում ևս սկզբնավոր-
վում և զարգանում է համալսարանական*
կրթությունը: Նշանավոր էին *Գլաձորի,*
Տաթևի, իսկ Կիլիկյան Հայաստանում՝ *Սիսի*
համալսարանները:

Համալսարանը բաժանվում էր ֆակուլ-
տետների: *Ֆակուլտետի ղեկավարը* կոչ-
վում էր *ղեկան,* իսկ *համալսարանի ընդհա-
նուր ղեկավարը՝ ռեկտոր:*

Առաջին համալսարաններն ունեին *աստ-
վածաբանական, փիլիսոփայական, իրավա-
բանական և բժշկական* ֆակուլտետներ:

Գրքերի սակավության պատճառով *ուսու-
ցումը հիմնականում կազմակերպվում էր դա-
սախոսությունները գրի առնելու միջոցով:*
Դասավանդման ընթացքում լայնորեն կի-
րառում էին *գիտական բանավեճեր և երկ-
խոսություններ:*

ՍՔՈԼԱՍՏԻԿԱ

Համալսարանում դասավանդվող *առար-
կաները միասին կոչվում էին սքոլաստիկա*
(լատիներեն սքոլա՝ դպրոց բառից): Սքոլաս-
տիկայի մեջ մտնում էին ինչպես «յոթ ազատ
արվեստները», այնպես էլ նոր ձևավորվող




*Բոլոնիայի
համալսարանի կնիքը, որի
վրա նշված է հիմնադրման
տարեթիվը՝ 1088:*



*Տաթևի համալսարանը
հիմնադրվել է XIV դարում
Տաթևի վանքում:*

ՄԻՋԻՆ ԴԱՐԵՐ



Թովմա Արվինացի

գիտությունները: *Սրբուհի-աստվածաբանները փորձում էին ապացուցել, որ հավատը և գիտելիքը ոչ թե հակադիր են միմյանց, այլ օգնում են բացահայտելու ճշմարտությունը:*

Թովմա Արվինացին (XIII դ.) միջնադարի խոշորագույն սրբուհիներից էր: Նա փորձում էր քրիստոնեությունը հաշտեցնել «հեթանոս» Արիստոտելի ուսմունքի հետ: Արվինացին կարծում էր, որ գոյություն ունի գիտելիքի երկու աղբյուր՝ հավատը, որն ապահովում է բարձրագույն գիտելիքի ձեռքբերումը, և բանականությունը:

ԲՆԱԳԻՏՈՒԹՅԱՆ ՍԿՋԲՆԱՎՈՐՈՒՄԸ

Առաջընթաց ապրող հասարակությունը կարիք ուներ նաև *կիրառական գիտելիքների*: Ուստի *զարգացան մաթեմատիկան և մեխանիկան*: Սկսեցին թարգմանել անտիկ և արաբ գիտնականների այն աշխատությունները, որոնք վերաբերում էին բնական գիտություններին:

Օրսֆորդի համալսարանի պրոֆեսոր Ռոջեր Բեկոնը (XIII դ.) կարծում էր, որ միայն փորձը կարող է տալ ճշմարիտ գիտելիք: Նա իր ամբողջ կյանքն անցկացրեց անտիկ և արաբական ձեռագրեր ուսումնասիրելով, ֆիզիկայի և քիմիայի բնագավառների փորձեր կատարելով: *Նա մի շարք կանխատեսումներ արեց՝ առանց թիավարների նավարկելու, առանց քաշող ուժի սայլակառքերի տեղաշարժման, թռչող մեքենաների, խոշորացնող սարքերի մասին*: Նա *առաջինն էր եվրոպայում, որ կազմեց վառոդի սրացման բաղադրագիրը*:



Ռոջեր Բեկոն

Այսպիսով՝ զարգացած միջնադարում կրթությունը և գիտությունը առաջընթաց էին ապրում, *աստիճանաբար ընդլայնվում էին նաև մարդկանց պատկերացումները աշխարհի և կյանքի մասին:*

Հարցեր և առաջադրանքներ

1. Ո՞րն էր վաղ միջնադարի դպրոցների գլխավոր նպատակը: Թվարկե՛ք «յոթ ազատ արվեստները»:
2. Զարգացած միջնադարում դպրոցների թվի ավելացումը ինչի՞ հետ էր կապված:
3. Եվրոպայի հնագույն համալսարանը որտե՞ղ և ե՞րբ է հիմնադրվել:
4. Քանի՞ համալսարան կար Եվրոպայում XIV դարում: Իսկ Հայաստանում XI–XIV դարերում ի՞նչ համալսարաններ էին գործում:
5. Ներկայացրե՛ք համալսարանի կառուցվածքը:
6. Ի՞նչ է սքոլաստիկան:
7. Ինչո՞ւ սկսեց զարգանալ բնագիտությունը:
8. Համեմատե՛ք Թ. Աքվինացու և Ռ. Բեկոնի տեսակետները գիտելիքների աղբյուրի մասին:

Նոր հասկացություններ, անուններ, արտահայտություններ

«Յոթ ազատ արվեստներ», Բոլոնիայի, Փարիզի, Օքսֆորդի և Բեմբրիջի համալսարաններ, ֆակուլտետ, դեկան, ռեկտոր, սքոլաստիկա, բնագիտություն, Թոմաս Աքվինացի, Ռոջեր Բեկոն

II ԲԱԺՆԻ ԱՄՓՈՓՈՒՄ

1. Անկում ապրած Հին աշխարհի փլատակների վրա ձևավորվեց ավատատիրական հասարակությունը: Միջնադարյան այդ հասարակության տնտեսության հիմքը գյուղատնտեսությունն էր: Գյուղի բնակչության կյանքը կարգավորում էր համայնքը: Քաղաքային բնակչությունը հիմնականում զբաղվում էր արհեստագործությամբ և առևտրով:

❖ *Ինչ է ավալը: Ներկայացրե՛ք ավալապիրական աստիճանակարգությունը: Ո՞վ էր միջնադարի գլխավոր աշխատող ուժը: Որո՞նք էին քաղաքների առաջացման նախադրյալները:*

2. XI դ. վերջին խաչակրաց առաջին արշավանքով սկսվեց խաչակրաց շարժումը: Այն տևեց մինչև XIII դ. վերջը: Խաչակրաց դարաշրջանում Եվրոպացիները ստիկից ծանոթացան արևելյան մշակույթին և իրենց երկրներ տարան մշակութային շատ արժեքներ:

❖ *Որո՞նք էին խաչակրաց շարժման նպատակները: Ե՞րբ և ի՞նչ խաչակրաց պետություններ սրեղծվեցին: Շարժման մասնակիցներից ո՞վ է Ձեզ վրա փրկավորություն գործել. ներկայացրե՛ք նրա կերպարը: Ինչո՞ւ շարժումն ի վերջո անկում սպրեց:*

3. XIII դարում պատմական ասպարեզում հայտնվեցին պետական մի շարք գործիչներ, ովքեր խոր հետք են թողել Եվրոպայի պատմության մեջ: Նրանցից դուք ծանոթացել եք Հռոմի պապ Ինոկենտիոս III-ի, Ֆրիդրիխ II կայսեր և Լյուդովիկոս IX թագավորի գործունեությանը:

❖ *Ձեր կարծիքով ինչի՞ շնորհիվ Ինոկենտիոս III պապը այդպիսի հզորության հասավ: Ինչո՞վ է նշանավոր Ֆրիդրիխ II-ը: Ներկայացրե՛ք Լյուդովիկոս IX-ի բարեփոխումները և արժևորե՛ք դրանք:*

4. Քրիստոնեությունը սկզբում հանդես էր գալիս որպես մեկ միասնական կառույց: Մակայն շուտով հակասություններ ծագեցին Արևմտյան և Արևելյան եկեղեցիների միջև: XII–XIII դդ. մեծ տարածում գտան նաև հերետիկոսական շարժումները:

❖ Ո՞րն է 1054 թվականին քրիստոնեական եկեղեցու պառակլման գլխավոր պատճառը: Հերերիկոսների դեմ պայքարելու համար ինչ նոր մարմիններ սրտեղծեց Հռոմի պապը:

5. Քրիստոնեության հաղթանակից հետո եկեղեցին իր ձեռքը վերցրեց հասարակության կրթական գործի կազմակերպումը: Զարգացած միջնադարում հասարակությունը աշխարհիկ գիտելիքներ ունեցող մարդկանց կարիք ուներ: Նման մասնագետներ պատրաստելու համար առաջացան նոր տիպի ուսումնական հաստատություններ՝ համալսարաններ: Զարգացավ նաև գիտությունը:

❖ Ինչը նպաստեց կրթական գործի զարգացմանը: Որո՞նք էին յոթ ազատ արվեստները: Թվարկե՞ք XI–XIV դդ. Եվրոպայի հայրնի համալսարանները. այդ նույն դարերում Հայաստանում նշանավոր ինչ համալսարաններ կային: Ինչո՞ւ քնազիրությունը սկսեց զարգանալ: Ուրե՞ր են Թովմա Արվինացին և Ռոջեր Բեկոնը:

**ՄԻՋԻՆ ԴԱՐԵՐԻ ՊԱՏՄՈՒԹՅԱՆ ԿԱՐԵՎՈՐ
ԻՐԱԴԱՐՁՈՒԹՅՈՒՆՆԵՐԻ ԺԱՄԱՆԱԿԱԳՐՈՒԹՅՈՒՆ**

ՄԱՍ 1

IV–VII դդ. 325 թ. 395 թ.	Ժողովուրդների մեծ գաղթի ժամանակաշրջանը Նիկեայի առաջին տիեզերական ժողովը Հռոմեական կայսրության բաժանումը Արևելյան և Արևմտյան մասերի
419 թ.	Սուրբ գրականության ցանկի հաստատումը Կարթագենի եկեղեցական ժողովի կողմից
451 թ. 476 թ. 486 թ. 527–565 թթ. 534 թ.	«Ժողովուրդների ճակատամարտը» Կատալաունյան դաշտում Արևմտահռոմեական կայսրության կործանումը Հյուսիսային Գալլիայի նվաճումը Քլոդվիգի կողմից Հուստինիանոս I կայսեր կառավարման շրջանը Քաղաքացիական իրավունքի հավաքածուի կազմումը Բյուզանդիայում
537 թ.	Ս. Սոֆիայի տաճարի կառուցման ավարտը Կոստանդնուպոլսում
681 թ. 732 թ. 768–814 թթ. 800 թ.	Բուլղարական թագավորության ստեղծումը Պուատիեի ճակատամարտը ֆրանկների և արաբների միջև Կարլոս Մեծի գահակալությունը Կարլոս Մեծի թագադրումը արևմտահռոմեական կայսերական թագով
843 թ. 867–1056 թթ. 867–886 թթ. 882 թ.	Վերդենի բաժանքը Հայկական (Մակեդոնական) արքայատոհմը Բյուզանդիայում Վասիլ (Բարսեղ) I-ի գահակալությունը Կիևի գրավումը Օլեգի կողմից. Հին Ռուսիա պետության ստեղծումը
885–1045 թթ. 962 թ.	Բագրատունյաց թագավորությունը Հայաստանում Օտտոն I-ի թագադրումը կայսերական թագով. Գերմանական ազգի սրբազան հռոմեական կայսրության ստեղծումը
966 թ. 988 թ. 1000 թ. 1019–1054 թթ. 1045 թ. 1054 թ.	Կաթոլիկության հաստատումը Լեհական պետությունում Քրիստոնեության ընդունումը Ռուսիայում Վիկինգ Լեյֆ Էրիկսոնի ափ իջնելը Հյուսիսային Ամերիկայում Յարոսլավ Իմաստունը՝ Ռուսիայի Մեծ իշխան Կոստանդնուպոլսի համալսարանի բացումը Քրիստոնեական եկեղեցու մեծ պառակտումը՝ կաթոլիկ և ուղղափառ եկեղեցիների առաջացումը
1071 թ. 1095 թ.	Մանազկերտի ճակատամարտը Ուրբանոս II պապի կոչը Կլերմոնտում

- 1096 թ. Խաչակրաց I արշավանքի սկիզբը
- 1098 թ. Եդեսիայի և Անտիոքի գրավումը խաչակիրների կողմից
- 1099 թ. Երուսաղեմի գրավումը խաչակիրների կողմից
- 1187 թ. Երուսաղեմի գրավումը Սալահ ադ Դինի կողմից
- 1189–1192 թթ. Խաչակրաց III արշավանքը
- 1198–1216 թթ. Ինոկենտիոս III-ը՝ Հռոմի պապ
- 1204 թ. Խաչակրաց IV արշավանքը, Լատինական կայսրության ստեղծումը (1204–1261)
- 1226–1270 թթ. Լյուդովիկոս IX Սուրբի գահակալությունը
- 1215 թ. Ինկվիզիցիայի (հավատաքննության) ստեղծումը
- 1265 թ. Խորհրդարանի (պառլամենտի) ստեղծումն Անգլիայում
- 1291 թ. Խաչակիրների վերջին հենակետ Ակրայի գրավումը մուսուլմանների կողմից
- 1648 թ. Վեստֆալյան հաշտությունը՝ Երեսնամյա պատերազմի ավարտը. Եվրոպայի քաղաքական նոր քարտեզի ձևավորումը

ՀԱՍԿԱՅՈՒԹՅՈՒՆՆԵՐԻ ԵՎ ԵԶՐԵՐԻ (ՏԵՐՄԻՆՆԵՐԻ) ԲԱՌԱՐԱՆ

- Ասպետ** — Միջնադարյան Արևմտյան Եվրոպայում մանր ավատատեր, որը չունեի ժառանգական տիտղոս և սեփական վասալներ:
- Ավատատեր** — Միջնադարում մասնավոր խոշոր հողային սեփականատեր: Հողը սովորաբար շնորհվում էր թագավորի, ինչպես նաև խոշոր ավատատերերի կողմից գինվորական կամ քաղաքացիական ծառայության դիմաց, որը դառնում էր ժառանգական:
- Ավատատիրական հասարակություն** — Միջին դարերին բնորոշ հասարակության անվանումը. անունը ստացել է ավատ (խոշոր մասնավոր հողային սեփականություն) բառից:
- Արիոսականություն** — Քրիստոնեական-աղանդավորական ուսմունք, առաջացել է IV դարում: Հիմնադիրը Ալեքսանդրիայի եկեղեցու քահանա Արիոսն էր. այստեղից էլ՝ անվանումը:
- Բանադրանք** — Եկեղեցու կողմից որևէ մեկին նզովելը որպես պատիժ: Բանադրվածը իրավունք չունեի եկեղեցի մտնելու:
- Բարբարոս** — Հին հույները, ապա հռոմեացիները այդ անունով էին կոչում իրենց երկրներից դուրս ապրող մյուս ժողովուրդներին: Նշանակում էր՝ վայրի, ոչ քաղաքակիրթ մարդ, ժողովուրդ:
- Բողոքականներ** — Քրիստոնեության ուղղություններից մեկի՝ բողոքականության ներկայացուցիչներ: Նրանք դատապարտում էին կաթոլիկ եկեղեցու չարաչափումները, ժխտում էին եկեղեցու՝ որպես Աստծո և մարդկանց միջև միջնորդի մասին ուսմունքը:
- Բոյարական դուժա** — Ռուսիայում (ապա՝ Ռուսաստան) Մեծ իշխանին կից գերագույն խորհուրդ (ցարին կից՝ 1547 թ–ից) X դարից մինչև XVIII դ.: Ազնվականության այս ներկայացուցչական մարմինն ուներ օրենսդիր խորհրդատվական բնույթ, քննարկում էր ներքին և արտաքին քաղաքականության հարցեր:
- Գիլդիա** — Միջնադարյան Եվրոպայում առևտրականների միավորում, որ ուներ իր կանոնադրությունը և պաշտպանում էր միության անդամների շահերը:
- Գեկան** (*լատ.՝ փասնապետ*) — 1. գինվորական աստիճան. Հին Հռոմում տասը գինվորի պետ, 2. ֆակուլտետի ղեկավար բարձրագույն ուսումնական հաստատությունում:
- Եռադաշտային համակարգ** — Հողի մշակման համակարգ: Մշակովի հողատարածքը բաժանվում էր երեք մասի՝ առաջինում կատարվում էր գարնանացան, երկրորդում՝ աշնանացան, երրորդը թողնվում էր հանգստի: Մի քանի տարին մեկ դրանց տեղերը փոխվում էին, որպեսզի հողի բերքատվությունը վերականգնվեր:
- Թագավորական դոմեն** (*լատ.՝ տիրույթ*) — Ֆրանսիական թագավորի ժառանգական հողային տիրույթների ամբողջությունը:
- Ժողովուրդների մեծ գաղթ** — IV–VII դարերում Հռոմեական կայսրության սահմանամերձ շրջաններից դեպի կայսրության տարածք ներխուժած բարբարոսական ցեղերի տեղաշարժերի ընդհանուր անվանումը:
- Ինդուլգենցիա** (*լատ.՝ ողորմություն*) — Մեղքերի թողության շնորհագիր, որոնց վաճառքը վերածվել էր եկեղեցու և հոգևորականության հարստացման աղբյուրի:

- Իսլամ** (*արաբ.՝ հնազանդ*) — Համաշխարհային երեք կրոններից մեկը (քրիստոնեության և բուդդայականության հետ): Հիմնադրել է Մուհամեդը VII դ.: Սուրբ գիրքը կոչվում է Դուրան: Իսլամի հետևորդները կոչվում են մուսուլմաններ:
- Խալիֆա** (*արաբ.՝ հաջորդող*) — Մուսուլմանական պետության բոլոր մուսուլմանների ղեկավարը, որը փոխարինում է մահացած Մուհամեդ մարգարեին:
- Խաչակիր, խաչակրաց արշավանքներ** — 1096–1270 թթ. ընթացքում արևմտաեվրոպական երկրների և կաթոլիկ եկեղեցու կողմից դեպի Արևելք կազմակերպվեցին 8 արշավանքներ քրիստոնեական սրբավայրերը մուսուլմաններից ազատագրելու համար: Արշավանքի մասնակիցներն իրենց թիկնոցներին կրում էին խաչեր, այդտեղից էլ՝ նրանց խաչակիր անվանումը:
- Խորհրդարան** (*պատլամենար*) (*ֆրանս.՝ խոսելու տեղ*) — Բարձրագույն ներկայացուցչական օրենսդիր մարմին: Առաջին խորհրդարանը հրավիրվել է Անգլիայում 1265 թ.՝ որպես ներկայացուցչական մարմին: Այլ երկրներում այն կոչվում է կոնգրես, կորտեսներ, ռայխստագ, սեյմ և այլն:
- Կաբուլի** — Այսպես է կոչվում թատրոնը միջնադարյան Ճապոնիայում:
- Հայկական արքայատոհմ** — Բյուզանդիայում 867–1056 թթ. կառավարած Հայկական (Մակեդոնական) արքայատոհմ: Հիմնադիրն էր հայազգի Վասիլ (Բարսեղ) I-ը:
- Հավատաքննություն, (ինկվիզիցիա)** (*լատ.՝ հետաքննություն*) — Կաթոլիկ եկեղեցու դատական և քննչական կազմակերպություն, որը ստեղծվել է 1215 թ. կաթոլիկ եկեղեցու հակառակորդներին հալածելու համար: Գոյություն է ունեցել XIII–XIX դդ. Արևմտյան Եվրոպայի գրեթե բոլոր երկրներում, հատկապես մոլեզներ է Իսպանիայում և Իտալիայում:
- Հերետիկոս** — Աղանդավոր մարդ, որը հրաժարվել է քրիստոնեական հավատքից, եկեղեցական կանոններից և ծիսակատարություններից: Հերետիկոսները դաժանորեն հետապնդվում էին եկեղեցու և իշխանությունների կողմից:
- Հիջրա** — Մեքքայից Մեդինա Մուհամեդի փախուստը 622 թ.: Այս տարեթիվն էլ համարվում է մուսուլմանական թվարկության առաջին տարին:
- Հումանիստներ** — Բառացի՝ մարդասերներ. այդպես էին անվանում Վերածննդի շրջանի մշակութային գործիչներին, որոնց ստեղծագործության առանցքում մարդն էր:
- Ճիզվիտներ** (*հիսուսյաններ, Հիսուս անվան լատ. ձևից*) — Կաթոլիկ վանական միաբանության անդամներ (պաշտոնական անվանումը՝ «Հիսուսի ընկերություն»): Հիմնադրել է իսպանացի ազնվական Բզնատիոս Լոյոլան 1534 թ.: Նպատակը կաթոլիկության պաշտպանությունն ու տարածումն է, Հռոմի պապի իշխանության ամրապնդումը: 2012 թ. դրությամբ ճիզվիտների միաբանությունն ուներ մոտ 18 000 անդամ: Պատմության մեջ առաջին անգամ՝ 2013 թ., այս միաբանության անդամն ընտրվեց Հռոմի պապ Ֆրանցիսկ I-ը:
- Մայրոդոմ** (*լատ.՝ տան ավագ*) — Ֆրանկական թագավորությունում Մերովինգների օրոք (V դ. վերջ — VIII դ. սկիզբ) արքունի տնտեսության և թագավորական ունեցվածքի կառավարիչը: Մայրոդոմին նշանակում էր անձամբ թագավորը: Աստիճանաբար մայրոդոմի պաշտոնը դարձավ ժառանգական: Հետագայում նրանք իրենց ձեռքում կենտրոնացրին պետական ամբողջ իշխանությունը:
- Մանուֆակտուրա** — Աշխատանքի բաժանման և տեխնիկայի օգտագործման վրա հիմնված ձեռնարկություն, որտեղ, սակայն, տիրապետող էր ձեռքի աշխատանքը:
- Նորմաններ, վիկինգներ, վարյագներ** — Սկանդինավիայում վաղ միջնադարում բնակվող ցեղերի ընդհանրական անվանումներ:

- Շիաներ և սուննիներ** — Իսլամի երկու ուղղություններ: Գլխավոր տարբերությունը այն հարցի շուրջ է, թե ով է Մուհամեդի ժառանգորդը:
- Պագոդա** — Բազմահարկ աշտարակների ձևով տաճարներ միջնադարյան Չինաստանում:
- Պապական պետություն (մարզ)** — Ստեղծվել է VIII դարում Միջին Իտալիայում: Հռոմի պապի աշխարհիկ իշխանության տարածք: Հզորության գագաթնակետին է հասել XII–XIV դարերում, երբ Հռոմի պապերը փորձում էին իրենց ենթարկել եվրոպական երկրների գահակալներին:
- Պրիկազ** — Իվան Ահեդի օրոք Ռուսաստանում ստեղծված պետական կառավարման գործակալությունների անվանումը: Համարժեք է ներկայիս նախարարություններին:
- Ռեկոնկիստա** — Բառացի՝ հետևվածում. իսպանացիների կողմից մուսուլմաններից իրենց երկրի հետևվածումը, ազատագրումը: Այն սկսվել էր արաբների կողմից Իսպանիայի գրավումից անմիջապես հետո՝ VIII դարից և շարունակվել է մինչև XV դ. վերջը:
- Ռեֆորմացիա (լատ.՝ վերափոխում)** — Արևմտյան և Կենտրոնական Եվրոպայում XVI դ. առաջին կեսին սկսված հասարակական-քաղաքական շարժում: Այն ուղղված էր կաթոլիկ եկեղեցու արմատական վերափոխմանը: Ռեֆորմացիայի սկիզբը դրվել է 1517 թ. Գերմանիայում Մարտին Լյութերի ելույթով: Ռեֆորմացիայի գաղափարախոսները ժխտում էին կաթոլիկ եկեղեցու անհրաժեշտությունը, հրաժարվում էին երկրպագել սրբապատկերները: Ռեֆորմացիան սկիզբ դրեց բողոքականությանը՝ որպես քրիստոնեության նոր ուղղություն:
- «Ռուսակայա պրավդա»** — Ռուսական օրենքների առաջին գրավոր հավաքածուն, որը ստեղծվել է Յարոսլավ Իմաստունի օրոք:
- «Սալիական դատաստանագիրք»** — Ֆրանկական թագավորության հիմնադիր Բլոդվիգի կարգադրությամբ ստեղծված ֆրանկների սովորության իրավաՆորմների ժողովածուն: Սալիական է կոչվել, որովհետև Բլոդվիգը ֆրանկական ցեղերից սալիական ճյուղի առաջնորդն էր:
- Սամուրայ** — Ռազմավատատիրական դաս, զինվորական կաստա Ճապոնիայում: Նույնն է, ինչ ասպետը:
- Մենյոր** — Իր ենթակային հողաբաժին շնորհող, բաժանող ավատատերը: Հող ստացողը կոչվում էր վասալ:
- Մյոզուն** — Ճապոնիայի ռազմավատատիրական կառավարիչների տիտղոս XII դարից մինչև XIX դ. կեսերը: Նրանց օրոք կայսերական արքայատոհմը գրկված էր իրական իշխանությունից:
- Սրբազան հռոմեական կայսրություն (կրճատ անվանումը)** — Ստեղծվել է 962 թ., երբ գերմանական թագավոր Օտտոն I-ը Հռոմում պապի կողմից թագադրվեց Հռոմեական կայսրության թագով: Ավելի ուշ Գերմանական թագավորությունը պաշտոնապես սկսեց կոչվել Գերմանական ազգի սրբազան հռոմեական կայսրություն:
- Սքոլաստիկա (հուն.՝ «դպրոց» բառից)** — XI–XIV դդ. միջնադարյան կրոնական փիլիսոփայություն, որը աչքի էր ընկնում պնդումների անժխտելիությամբ: Բնագիտության զարգացման հետ սքոլաստիկան անկում ապրեց:
- Վասալ** — տես «Մենյոր» հոդվածը:
- «Վարյագներից հույներ տանող ճանապարհ»** — Այս անունով է հայտնի այն առևտրական ճանապարհը, որը սկսվում էր Բալթիկ ծովից և հասնում Բյուզանդիայի մայրաքաղաք Կոստանդնուպոլիս:

- Վերածնունդ (Ռենեսանս)** — Հասարակական–քաղաքական, մշակութային շարժում. սկսվել է Իտալիայում XIV դարում: Վերածնունդը նշանավորվել է խոշոր հայտնագործություններով ու գյուտերով, ինչպես նաև անտիկ մշակութային նկատմամբ հետաքրքրության արթնացմամբ: Բուն կերպով զարգացել են գիտությունն ու արվեստը:
- «Վերջին հոռմեացի կայսր»** — Պատմության մեջ այդ անունով է մտել Արևելյան հոռմեական կայսրության (Բյուզանդիա) կայսր Հուստինիանոս I-ը (527–565 թթ.):
- Ցար (լատ.՝ կեսար)** — Ռուսաստանում 1547–1721 թթ. պետության ղեկավարի պաշտոնական տիտղոսը: Առաջինը ցար է թագադրվել Իվան IV Ահեղը: Պյոտր I-ի օրոք փոխարինվել է կայսր տիտղոսով, բայց շարունակվել է գործածվել:
- Ուլուս (փոխարքայություն)** — Մոնղոլական տերության վարչաքաղաքական խոշոր միավորների անվանումը:
- «Քաղաքացիական իրավունքի հավաքածու»** — Հուստինիանոս I-ի օրոք կազմված օրենքների ժողովածու, որի մեջ հավաքված են հոռմեական կայսրերի հրապարակած օրենքները:
- Քրիստոնեական եկեղեցու 1054 թ. պառակտումը** — Տեղի է ունեցել Հռոմի պապի և Կոստանդնուպոլսի պատրիարքի միջև քրիստոնեական եկեղեցին գլխավորելու համար մղվող սուր պայքարի արդյունքում: Պապը և պատրիարքը բանադրել են միմյանց ու խզել կապերը եկեղեցիների միջև: Կաթոլիկ և ուղղափառ եկեղեցիների միջև հաշտությունը տեղի է ունեցել մոտ հազար տարի անց՝ 1965 թ.:
- Օպրիչնինա (ռուս.՝ опричье, «բացի» բառից)** — Իվան Ահեղի կողմից պետության տարածքից իր համար առանձնացված հողատարածքի անունը: Ռուսաստանում XIV–XV դդ. այդ անունով էին կոչում իշխանի հողատարածքի այն մասը, որը իշխանի մահից հետո հատկացնում էին նրա այրուն: Իվան Ահեղը 1565–1572 թթ. հարուստ հողատարածքներ էր ընդգրկել օպրիչնինայի մեջ, որոնք ընկած էին երկրի հյուսիսում, հարավում և կենտրոնում, մտնում էր նաև Մոսկվայի մի մասը: Այստեղ գործում էր ցարի սեփական կառավարումը՝ Բոյարական դումա, պրիկազներ, զորք: Օպրիչնինա սկսեցին անվանել նաև Իվան IV-ի քաղաքականությունը՝ զանգվածային բռնություններ, մահապատիժ, հողերի բռնագրավում և այլն:

ԲՈՎԱՆ ԴԱԿՈՒԹՅՈՒՆ

ՆԵՐԱԾՈՒԹՅՈՒՆ	3
--------------------	---

I ԲԱԺԻՆ

ՎԱՂ ՄԻՋՆԱԳԱՐ

§1. ՊԱՅՔԱՐ ԱՐԵՎՄՏՅԱՆ ՀՌՈՄԵԱԿԱՆ ԿԱՅՄՐՈՒԹՅԱՆ ԺԱՌԱՆԳՈՒԹՅԱՆ ՀԱՄԱՐ	5
§2. ԲՐԻՍՏՈՆԵԱԿԱՆ ԵԿԵՂԵՑԻՆ	10
§3. ԲՅՈՒՋԱՆԴԻԱՅԻ ՈՍԿԵԴԱՐԸ	15
§4. ԲՅՈՒՋԱՆԴԻԱՆ ՀԱՅԿԱԿԱՆ (ՄԱԿԵԴՈՆԱԿԱՆ) ՀԱՐՍՏՈՒԹՅԱՆ ՕՐՈՔ	19
§5. ԿԱՐՈՒԼԻՔՆԵՐԻ ԿԱՅՄՐՈՒԹՅՈՒՆԸ	24
§6. ՍՐԲԱԶԱՆ ՀՌՈՄԵԱԿԱՆ ԿԱՅՄՐՈՒԹՅՈՒՆԸ	29
§7. ԱՆՀԱՆԳԻՍՏ ԵՎՐՈՊԱՆ	33
§8. ՀԻՆ ՌՈՒՍԻԱՆ	37
I ԲԱԺԻՆ ԱՄՓՈՓՈՒՄ	42

II ԲԱԺԻՆ

ԶԱՐԳԱՅԱԾ ՄԻՋՆԱԳԱՐ

§9. ԱՎԱՏԱՏԻՐԱԿԱՆ ՀԱՍԱՐԱԿՈՒԹՅՈՒՆԸ	45
§10. ԽԱՉԱԿՐԱՑ ՇԱՐԺՈՒՄԸ	51
§11. XIII ԴԱՐԻ ՆՇԱՆԱՎՈՐ ՏԻՐԱԿԱՆՆԵՐԸ	57
§12. ԲՐԻՍՏՈՆԵԱԿԱՆ ԵԿԵՂԵՑԻՆ XI-XIII ԴԱՐԵՐՈՒՄ	61
§13. ԿՐԹՈՒԹՅՈՒՆԸ ԵՎ ԳԻՏՈՒԹՅՈՒՆԸ	66
II ԲԱԺԻՆ ԱՄՓՈՓՈՒՄ	70

ՄԻՋԻՆ ԴԱՐԵՐԻ ՊԱՏՄՈՒԹՅԱՆ ԿԱՐԵՎՈՐ ԻՐԱԳԱՐՁՈՒԹՅՈՒՆՆԵՐԻ ԺԱՄԱՆԱԿԱԳՐՈՒԹՅՈՒՆ (ՄԱՍ 1)	I
---	---

ՀԱՍԿԱՅՈՒԹՅՈՒՆՆԵՐԻ ԵՎ ԵԶՐԵՐԻ (ՏԵՐՄԻՆՆԵՐԻ) ԲԱՌԱՐԱՆ	III
--	-----

VII

ԳԱԳԻԿ ՍՈՒՐԵՆԻ ՀԱՐՈՒԹՅՈՒՆՅԱՆ, ԱՐԱՄ ՍՐԱՊԻՈՆԻ ՆԱԶԱՐՅԱՆ

ՀԱՄԱՇԵԱՐՀԱՅԻՆ ՊԱՏՄՈՒԹՅՈՒՆ. ՄԻՋԻՆ ԴԱՐԵՐ

7-ՐԴ ԴԱՍԱՐԱՆ

Դասագիրք հանրակրթական հիմնական դպրոցի համար
Մաս 1

ГАГИК СУРЕНОВИЧ АРУТЮНЯН, АРАМ СРАПИОНОВИЧ НАЗАРЯН

ВСЕМИРНАЯ ИСТОРИЯ: СРЕДНИЕ ВЕКА

7-Й КЛАСС

Учебник для общеобразовательной основной школы
Часть 1
(на арм. яз., изд. "Зангак", Ереван, 2019)

Հեղինակային բոլոր իրավունքները պաշտպանված են:

Գրքում օգտագործված նկարներ
(հապավումներ՝ ն — ներքև, վ — վերև, ա — աջ, ձ — ձախ)

Էջ 5 (վ) © Grevel, (ն) © Peter Johann Nepomuk Geiger, էջ 7 © Heinrich Leutemann, էջ 8 (վ)՝ Ֆրանսուա Լուի Դեժոլին. «Տրանսիլերի արքա Քլոդ-վիգզ», էջ 12 (ն)՝ Պետեր Պաուլ Ռուբենս. «Պեդրոս առաքյալը», էջ 22՝ Բոկաչչո. «Մանագլեբրդի ճակատամարտը», էջ 29՝ © Alfred Diethel, էջ 30՝ Լուկաս Կրանախ Ավագ. «Օրդոն Խ», էջ 33՝ © Mike Hicks, էջ 38՝ Վիկտոր Վասնեցով. «Երգ Ինսուպուն Օլեգի մասին», էջ 39 (ն)՝ Ի. Էգլինկ. «Մեծն Վլադիմիր իջիսանը կրոն է ընտրում», էջ 47՝ Ցան վան Էյկ. դրվագ «Գեներալ զոհանդան» ից, էջ 53՝ Էմիլ Սիլյուլ. «Երեսուզների տխուր մահ», էջ 54՝ Գուստավ Դորե. «Հաղթական Սալահ ադ Գինը», էջ 55՝ Պապու Լու ժեն. «Խուսրանդեռապուլի գրավումը 1204 թ.», էջ 62՝ © Tartessos75, էջ 63՝ Պեդրո Բերնադեսե. «Սուրբ Դոմինիկը», էջ 64՝ Բուդոնե Ջիոտտո. «Ինսիլենդիոս III-ի նրագը», էջ 65՝ Կլաուդիո Կոելլո. «Դոմինիկ դե Գուանան», էջ 68՝ Կարլո Կրիվելլի. «Սուրբ Թովմա Արվինացի»:

Հրատարակչության տնօրեն՝ Էմին Մկրտչյան
Տեխնիկական խմբագիր՝ Նվարդ Փարսադանյան
Համակարգչային ձևավորումը՝ Լարա Հովսեփյանի
Գրիգորի Հարությունյանի
Շապիկի համակարգչային ձևավորումը՝ Արևիկ Հակոբյանի
Մրբագրիչ՝ Լուսինե Դավթյան

Տպագրությունը՝ օֆսեթ: Չափսը՝ 70x100/16: Թուղթը՝ օֆսեթ
Ծավալը՝ 5 տպ. մամուլ: Տառատեսակը՝ «GHEA AspetScool»
Պայմանագիր՝ 03/Հ-19: Տպաքանակը՝ 36 279

«ԶԱՆԳԱԿ» հրատարակչություն
ՀՀ, 0051, Երևան, Կոմիտասի պող. 49/2, հեռ.՝ (+37410) 23 25 28
Էլ. փոստ՝ info@zangak.am, էլ. կայքեր՝ www.zangak.am, www.book.am
Տեղեկության կայքէջ՝ www.facebook.com/zangak

7

ՀԱՄԱՇԽԱՐՀԱՅԻՆ ՊԱՏՄՈՒԹՅՈՒՆ
ՄԻՋԻՆ ԴԱՐԵՐ



Վաճառքի ենթակա չէ:




ԶԱՆԳԱԿ
ՀՐԱՏԱՐԱԿՉՈՒԹՅՈՒՆ

www.zangak.am
www.book.am

